

髮車縣志卷之九

詩古

七哀二首

西晉張載

秋風吐商氣蕭瑟掃前林
陽鳥收和響寒蟬無餘音
白露中夜結木落柯條森
朱光馳北陸浮景忽西沉
顧望無所見唯觀松
壑陰蕭蕭高桐枝翩翩
栖孤禽仰聽離鴻鳴俯聞
蜻蛚吟哀人
憂感傷觸物增悲心
邱壘日已遠纏綿思彌深
憂來令髮白誰云愁可任
徘徊向長風淚下霑衣襟

北邙何壘壘高陵有四五
借問誰家墳骨云漢世王恭
交遠樹

望原陵鬱膺膺季葉喪亂起賊盜如豺虎毀壞過一椽僅存廢
幽戶珠匣離玉體珍寶見剽擄園寢化爲墟周墉無遺堵蒙籠
荆棘生蹊徑登童豎狐兔窟其中蕪穢不復掃頽隴並墜發耕
隸營農圃昔爲萬乘君今爲邱山土感彼雍門言悽愴哀往古

詠史

晉張協

昔在西京時朝野多歡嬉藹藹東都門羣公祖三疏采軒輶
城俱張臨長衢達人知止足遺榮忽如無抽簪解朝衣散
海隅行人爲隕涕賢哉此丈夫揮金樂當年歲暮不留儲

四座賓多財爲累愚清風激萬代名與天壤俱咄此蟬冕

紳宜見書

郊居

結宇窮岡曲耦耕幽藪陰荒庭寂以閑幽岫峭且深雲風起更
谷有滄興南岑雖無箕畢期膚寸自成霖澤雉登瓏籬擁
條吟蹊壑無人跡荒楚鬱蕭森投耒尋岬垂時聞樵採音

尚無為道勝貴陸沉游思竹素園寄辭翰墨林

秋思

朝霞迎白日丹氣臨暘谷翳翳結繁陰森森散雨足輕風推勁
草凝霜竦喬木密葉日夜踈叢林森如束疇昔嘆時遲晚節悲

年促歲暮懷百憂將從季主卜

閨詠

秋夜涼風起清氣蕩
暄濁蜻蚋吟階下
飛蛾拂明燭君子從來
役佳人守楚獨離居
幾何時鐙燧忽改木
房櫳無行跡庭草萎
以綠青苔依空牆
蜘蛛網四屋感物多
所懷沈憂結心曲

大火流坤維白日馳
西陸浮陽映翠林
迴飈扇綠竹飛雨灑朝
蘭輕露栖叢菊龍蟄
暄氣凝天高萬物肅
弱條不重結芳蕤豈
再馥人生瀛海內
忽如鳥過目川上之歎
前修以自勗

金風扇素節丹霞啟
陰期騰雲似涌煙
密雨如散絲寒花發黃

采秋草含綠滋閱居玩萬物離群戀所思案無蕭氏牘庭無貢
公綦高尚遺王侯道積自成甚至人不嬰物餘風足染時

昔我資章甫聊以適諸越行行入幽荒甌駱從祝髮窮年非所
用此貨將安設瓴甌夸璵璠魚目笑明月不見郢中歌能否居
然別陽春無和者巴人皆下節流俗多昏迷此理誰能察

襍賦四首

晉張 亢

朝登魯陽關狹路峭且深流澗萬餘丈圍木數千尋咆虎響窮
山鳴鶴聒空林淒風為我嘯百籟坐自吟感物多思情在險易
常心劫去戒不虞挺轡越飛岑王陽驅九折周文走崎嶇經阻

貴勿遲此理著來今

此鄉非吾地此郭非吾城羈旅無定心翩翩如縣旌出觀軍馬
陣入聞鞞鼓聲常懼羽檄飛神武一朝征長鉞鳴鞘中烽火列
邊亭捨我衛門衣更被胡曼纓疇昔懷微志帷幕竊所經何必
捺干戈堂上有奇兵折衝樽俎間制勝在兩楹巧遲不必稱拙
速乃垂名

迷職投邊城羈束戎旅間下車如昨日望舒四五圓借問此何
時蝴蝶飛南園流波戀舊浦行雲思故山闔越衣文蛇胡馬願
渡燕上風安所習由來有固然

黑城躍重淵商羊舞野庭飛廉應南箕豐隆迎號屏雲根臨八
極雨足灑四溟霖滲過二旬散漫亞九齡階下伏泉湧堂上水
衣生洪潦浩方割人懷昏墊情里無曲突烟路無行輪聲環堵
自頽毀垣閤不隱形尺爐重尋桂紅杭貴瑤瓊君子守固窮在
約不爽貞雖榮田方贈慚為溝壑名取志於陵子比足黔婁生

郢城懷古

唐
李百藥

客心悲暮序登壙瞰平陸林澤官茅綿山川鬱重複王公資設
險名都拒江隩方城款北門溟海窮南服長策控吳豕雄酋競
周鹿大蒐雲夢掩壯觀章華築人世更不競西師日侵蹙運圯

屬驅馳時屯恣歎朴莫救夷陵火無復春庭哭鄢郢遂墟風
塵俄慘黷狐兔時遊踐霜露日霑霖釣渚故池平神韋層宇覆
脾雲埋夏首窮陰慘荒谷悵矣舟壑遷悲哉年紀倏難異三春
望終傷千里目

少年詞

始酌文君酒新吹弄玉簫少年不歡樂何以盡芳朝千金笑裏
面一擲掌中腰掛冠豈憚迎拜不勝嬌嬌寄語少年子無辭歸
路遙

謁沈諸梁廟

總轡臨秋原登城望寒日煙霞共掩映林野俱蕭瑟楚塞鬱不
窮吳山高漸出客行殊未已沐浴期終吉椒桂尊芳樽風雲下
虛室館宇肅而靜神心康且逸伊我非真龍勿驚疲朽質

賜耆老布帛

唐
崔 樞

殊私及耆老聖德賑黎元布帛析天賜生涯作主恩情均皆挾
禮禮異費邱園慶洽時方泰仁沾月告存寧知酬雨露空識荷
乾坤擊壤將何幸徘徊望九門

感興

唐
崔 膺

富貴難義合困窮易感恩古來忠烈士多出貧賤門世上桃李

樹但結繁華子白屋抱關人青雲壯心死本以勢利交勢盡交
情已如何失勢後始嘆門易軌

山鷄舞石鏡

唐崔護

廬峰開石鏡人說舞山鷄物象織無隱禽情秬自迷景常烟霧
歇心喜錦翎齊宛轉烏呈彩婆娑鳳欲棲何言資羽族在地得
天倪應咲翰鳴者終朝飲敗醜

灌園詩

寄王勤甫
真隱園中

明吏部
尚書趙南星

高邑人

淳古逃不還俗士羞田畝衣食生君臣忠孝復何有休沐謝簪
領懷安畏我友呼童事灌園理穢鋤在手橐囊揚清音寒漿出

井口澆澗墜石淋逶迤經瓊窟

聖靈日空降孫氏臥空園

安平舊志載有高邑趙先生澤園詩一章奈因輯志翫讀

細繹不禁重有感焉明熹廟時先生位冢宰先太父少保

公爲少宰最稱蘭契先生曾語漢福清曰冢宰不冠喜雜

與陳孟謬少保同官爲可喜耳一日先生過王半菴司空

齋頭見其圖史縱橫異香綉繞少爲流連歸而嘆曰可

故有佳致不及爽少宰自有香也後先生與先少保同以

杵瑞齋猶余讀其詩想見其人氣節高風凜然忠憤

孝之餘殆愈久而彌芳也丁卯仲春陳宗石謹識

四

五

六

七

八

九

十

十一

十二

十三

驍絕扼關壯西藩迎擊長竿揭可殺不可卻悍擊駭群孽當時
四野昏赤紫騰妖蜺驕戈勢孔急千騎環城列奮鏃飛雉巔鈎
梯數十設貫登愍不畏頂踵續掀跌土人不善潰真與猾騎別
城上堅不撓城下勢自折叫呼鼓奮擊吞襟目眦裂裹劍不惜
死官竒人多傑磚石有翼飛婦女供急擊器跳誰家童怒騰戟
口舌西北陣雲衝轟雷走列缺堞稜古塘址染盡頭顱血下視
積幾埒上噴藥火煙盡日空猶結赳赳守關士邀

憂時

明
門洞開

嗟予生不辰目擊遭兵燹萬姓苦瘡痍何啻疥與癩上方求治
殷下乃應漫衍去倭艱拔山用賢澁石轉圜積久且繁多方求
脫展此事惜如斯三者其覈願欲詰展轉因請爲聊推演半是

受屬則舉是行期免屬滿病面堅莫能啓其鍵聖意固淵深下
道復不遠貴理愈急切一惟報以傾衆手共障天日月光輝淺
尾尖是而扶勢成急難殄同處漏舟中猶然競富腴言之堪盡
傷毫不爲面覩誰驅石尤風陰翳刮地捲誰懸秦鏡明肝胆織
悉辨上下日相蒙阿誰濟屯蹇我祝聖主心平明垂藻梲時時
講治安陸危庶可免泄沓長焉窮胥溺徒潛泣嘗胆與臥薪主
臣交相勉繫予棄鼎人願作太平犬

頻年春夏旱布種每歲遲秋來計所獲不贍人口饑况復干戈
劫爭戰無已時賦外再加賦供輸苦難支兼之征力役築城並

盡池筋力疲以竭脂骨枯靡遺老稚愁轉空少壯嘆流離危幾
早已見太平知何期繁子雖廢棄窮願有以禱祈天沛雨澤醜
被而野滋禱天洗甲冑業兮與偃旗萬姓出塗炭四海樂雍熙

日氣

昨日已交春日氣仍如昨倏高而倏低紅黃相參錯縱橫相接
連仰與太白薄朝夕同一光總此氛磅礪人生浮氣中疇窺所
棲泊平原及崇峒樓臺並殿閣落照與升曦映射如水燦或見
而欣欣或見而愕愕未諳天官書診祥莫可慶我欲上問天
心亦漠漠

日星變異

日行恰至申太白正當午比及日歸山星芒忽四比牙棧如劍
鋒躑躅而怒舞兼之日肆光赤黃射下土西沒及東升奇幻堪
尚譜或曰此何徵余曰難逆觀但柱燧箕疇休咎徵有五雨暘
燠寒風時恒悉自取遠古至于今歷歷可指數作惡降鞠凶惠
迪迓純祐平成錫元圭責躬沛時雨言善或退心政修河渡虎
災或變爲祥濟或變爲蟲一念一動間感應提桴鼓赫赫天鑑
嚴敬哉無或侮

弔禍衡墓

國朝
張念祖

值江大沙墳左右龜蛇麓勢砥流力不藉山谷訝彼陽侯
怯巨靈未可戮云是作賦人鸚鵡洲邊伏碧血漬黃土頑狂豎
地軸舊性戰魚龍猛于錢氏箴睛日照心自怒今噴江豔芒人
拒潮迴明滅鬼神哭禍生何不起還來共我逐細讐漁陽弄譜
入濤聲蹴曹瞞久已死黃祖亦成戮銅雀三臺高碎坼濁漳腹

謁祁陽刁蒙吉先生

同楊計必
諸社友

張念聖

三年曾有約今歲始能復携我同心人登龍展私淑入門炙道
貌閑庭一何肅先生抱道深元氣如可掬拊見朴懷開口披
心腹正議廻狂瀾恥與時賢逐一真逼笑談坦蕩無邊幅聖也

狂而剛未肯泛推轂
迴日坐春風勾蒙學
草木垂道寂無人名
高實未副洗耳聆鐸
音講席繼白鹿

送陳子鶴之任安序

吳任臣 志伊

陳子雲霞姿矯矯空中鶴
長鳴徹九霄徒翮凌丹壑
慷慨志無前胸裏邁流俗
君實端毅孫高風能似續
伊余托京邸閉門帶寂
寞頗有賢使君過從顛
往復搔首恣曠談揮塵
吐金玉伯氏忝同譜視余
猶手足多君情義親相對
如骨肉只今宰博陵民
淳土亦沃漙冰在東流
植山起大麓雄才臥鳴琴
百里陰雨沐于旌計日行
道路冠蓋簇我愧無有酒
羽觴饒車轂爰凝夙

交文辭殊朴遼美哉安平君永言以當祝

贈安平令陳子萬兼託訪中州名集

乙丑仲冬

平湖

陸隴其

君家世忠貞兼復盛文章代有風雅才海內共稱揚君生靈壽
畔長在闕伯鄉南北清淑氣君兼有其長喜與君作吏同在恒
山陽願言資切琢示我以周行聞說古商邱身昔聖賢場本木

常濟濟史冊多芬芳近代風未泯作者亦踴躍君爲我訪問裨
得瞻輝光堂奧雖難言庶幾棄其狂時事多棘爾愧我學未詳
藉君廣聞見或得起膏肓勿謂掣肘中何用尋批糠

丙寅閏四月三日子萬四弟邀同北山長地盤崔亮遠孫
業縉李備臣吳奐若諸子登聖姑臺不飲賦詩

陽羨
陳維岳
縉雲

劫來煎膏平嫩散寄九界獨有聖姑臺願耳瀑升眺面目兩不
厭九旬也巳造如更匝月畱尚可一回到商律在律呂時時
灑道臺平樹色濃綠疇交胃豈萎浪更潮翻農人先慶勞轟
詎云釋幽意自撩峭不暇感春徂但覺夏景動茲遊其展樂

興迥風調清河雖作官老喜無俗貌英賢况雲集連臂舒叫嘯
酒盡不辭頻玉山揀醉倒陶然偕我輩灑落全真樂

樂去
聲
理
概

冥筌蹄達觀忘老少俯仰宇宙餘萬事等幻泡

泡叶
暴

詠歸夕陽

沒月魄哉生耀

崔公墓

培塿突三四年代罕追數傳問曰崔公自是唐時墓巨族擅境
陵簪纓溢紈素漢朝寔與彌華冑遙遙祔稗籍載雙文轉徙河
中住碑版久缺失同源就沿沂紅顏獨立姿掩映詭衢路好色

不好德曷惟宣尼句齊東或蟬連首尾最錯互但羸笑口開何

暇辨疑誤

有傳崔鶯鶯墓
亦在此間者

野草隨地生山花嫣然顧懷古總

昧公平那可呼安得一壺酒醉彼千秋鋼庶幾起昔人相

新賦理得竟忘筌
典屬俄成故垂楊
語黃鸝平田飛白鷺
流水聲行客從此渡
夕陽莽欲落俯仰迴
余步

丙寅安平署中詠庭葵

滿地茲葵開無人爲詠歌
戎戎自生艷翹翹欲作柯
以被雨露情受此南風和
貴賤雖有異造化無偏頗
憂來舒倦眼日夕婆娑

吁嗟行

陳宗石

有兒常統滕女大却辭翁兒死埋黃土
女嫁如飛花所與何酷抱膝徒吁嗟

其二

吁嗟莫吁嗟
世事如飛花
父母毋即黃土
兒女愁桑麻
丈夫貴樹
立何必徒吁嗟

七古

擬四愁詩一首

晉張載

我所思兮在營州欲往從之路阻修
登崖遠望涕泗流我之懷矣心傷憂
佳人遺我綠綺琴何以贈之雙南金
願因流波超重溟終然莫致贈永吟

贈王明府翊

明彭相

君不見天邊草微風一澤遠賢俊登庸信推轂
又不見望國名彰草木無想聞斗牙佳
王侯秀靈妙齡時小位談笑試猷爲
恩威兼濟人心允邪僻用情誰敢欺
雜獮俗政盡更始陶範元

非舊綱紀文章花縣陋潘郎父母黎元齊桂氏霖雨仁聲正爾
濃趣裝恐見復匆匆淒涼琴鶴亭間渺寂寞甘棠樹底空漸惹
淺鄙非倫肖天海多情托青照每聞春信喜不勝慙思却是傷
心兆爲作行歌寫斷腸萬里天涯別路長臨春對酌浩歌飲明
日雄州天一方

贈吉廣文善

君不見東吳張翰晉高士酷愛清狂辭富貴又不見西都賢哉
二大夫解脫三台如敝旆諸君節行同日星百代芳名流汗青
辭富居貧豈人意先生卓見真獨醒山看才名夙聞吉心則古

人賢學術宜室勲庸竟未酬江州司馬應先伏準繩嚴密齊菴
湖汰洗儒風一振枯兼善方來止無恙拂衣忽欲憶尊鱸投老
青山養清癖小築故園憩醉日煩囂塵迹總云云不解幽人心
自適冥鴻超忽誰回媒空門寂寂生莓苔龜辱一身似秋葉利
名兩事成寒灰接浙故鄉非計左軻書耿炳欵欵我先生自是
孔之徒出處何嘗不當可

題王簡孺

君不見娥英墮淚如黥血窺痕湘竹盡成斑又不見常山房氏
雅志操截耳杜門苦節堅烈女卬腸元是鐵可倒江河粟霜雪

非舊綱紀文章花縣陋潘郎父母黎元齊杜氏霖雨仁聲正爾
濃趣裝恐見復匆匆淒涼琴鶴亭間渺寂寞甘棠樹底空漸思
淺鄙非倫肖天海多情托青照每聞春信喜不勝慙思却是傷
心兆爲作行歌寫斷腸萬里天涯別路長臨春對酌浩歌飲朋
日雄州天一方

贈吉廣文善

君不見東吳張翰晉高士酷愛清狂辭富貴又不見西都賢哉
二大夫解脫三台如敝旒諸君節行同日星百代芳名流汗青
辭富居貧豈人意先生卓見真獨醒山看才名夙聞吉心則古

義安日氣如火其淵半天古未前開自丁丑九月行抵
今五月憶古保章氏辨氛稜亦爲兵荒豈其然乎望之
驚憂賦

此志異

少陵作詩兼作史寥寥千載誰其似陰陽幻恠事可駭浮空赤
氣能無紀火赭血殷靡邈陬東西與日相原委客歲秋生今屆
春日日驚猜相指視昂頭慷慨欲問天地面距天九萬里徧檢
方書考休咎所云祥微無有是散漫野叟反憂時無術竊請肉
食鄙天方漠漠人杳杳天道或速人事邇豺狼叫跳熊虎嗥狐
鼠縱橫乾坤詭眼見耳聞敢斥說恃天亦覺天難恃英雄氣咽
墜盡碎衝霄劒氣光不死天無意人不示象妖難勝德自古理

幹回有力誰之事君不見一言動天煖惑徒

唐馬障子歌

天文有
土良星

國朝
張念祖

正良扶策牧天上龍膺豹股色色壯驅下白雲教追風流影落
我錦屏障細捫鵝溪八折縵影中筋力瀝血汗是誰舐筆和鉛
朱不是曹霸是韓幹蹄踏飛湍竹批耳一嘶磧沙四面起無數
拳毛老奚宮攀駿搏鬣勢不已眈眈虎視怒而曠自然龍性不
能馴屏之所見今如此天闕十萬失精神

沂花行

國朝
張念聖

邑侯李金章先生於清粵前一日見暑齋杏葉深

紅折八胆瓶俱清賞愛賦數酒見貽因次韻笑之

紫皇佞我煙嵐裏斗酒雙柑或庶幾
軟暖風柔驗火天一簾翠
萬竿綿起有花含笑向初暄
喜欲婆娑嬌欲言輕紅點點新
霞
錯未倚雲霄先倚垣雷紋翠
觚具金屋綽約不復煩膏沐
蕙菅
何如燦爛時含情脉脉噴微
馥括色生香第一花參差數
朶映
窻紗花之董狐石公是嘗云
闕清不闕奢

贈別宋中郎孝廉

平林漠漠西風颺東君呼我侍綺筵
嘉賓四座一時秀丰神誰
似君翩翩論文說劍談鋒爽
話裏偶然及世講乃知爾我
兩大
人當年携手登午榜聖也踈慵
人自甘腐質不著軒冕想多
君

鬢年拔桂香，撞破烟樓繼。光響我猶執，顏飲君前醉。裏狂歌恣
訕讎，君亦雙眸向我青。披風抹月同幽賞，肝腸如雪氣如雲。三
旬把臂何倜儻，君今去矣誰能爾。舍須鯨吸一百甌，卽今相對
不歡笑。相思此後徒悠悠，努力前途予日望。乘長風兮破巨浪。

題李孝子廬墓卷

國朝
李長滋

孝子桑梓白沙里，廬墓荒原念其妣。博陵大孝李德林，恭讓恩
敦同姓氏。家落於今數百年，突忽又從此。君始寒脂三載伴，虎

丘相傳曾無寸晷。挑妻涼飯，夜月中孤號。烏啼相嚙，此箇極

意深。道是悲朝暮，哀弗止。美掃無輟，若膝前那問九原。繼

不起擊性一發概生平孤行不爲家室累孝思原非弋聲名乘
風肯教遺青史

安平有麥穗兩岐歌示千萬四弟

陽美
陳維岳

漢治循良稱最多張堪爲政民作歌兩岐史册亦稀有祥瑞贊
嘆麥與禾南平畿輔邑云小彈琴吾弟追淳和紫荆花下从握
臂清風月白常婆婆農人偶得互竒詫手擎樞極生同柯聖人
在宇正休養天地會淑無災疴此間自昔橫藩鎮山川兵氣今
銷磨男耕女織俗勤朴不勞點綴瑚銀戈時平茂宰須努力勿
復五柳高吟哦魯恭黃霸亦何異古今相美理則那荆南有田

急須種老兄歸去栖煙蘿

登聖姑臺懷古

國朝吳玠

聖姑之臺何嶙峋
插漢遏雲氣色新
上有遺廟肅且尊
金碧輝煌光照人
人傳聖姑能忠孝
明明大節堪垂教
事親格天世所崇
扶漢猶同麥飯功
此日登臨一高寄
道旁瞻拜如蟻至
千村社鼓獻椒糝
老幼奔波失業次
嗚呼自古名勝多
落莫滄海桑田那可畧
君不見江水平淮山
清歷歷漢殿秦闕冷
寂寂禾黍高低六代宮
至今宿草誰人弔
又不見王謝樓臺燕壘空
金張歌舞羨英雄
一朝人事改千載餘悲風
是非高節貫古今
何以勞

五律

正月臨朝應詔

唐
李百藥

化歷昭唐典，承天順夏正。
百樂警軒陛，三辰揚旆旌。
充庭富禮樂，高譙齒簪纓。
獻壽符萬歲，移風韻九成。

大風詞

歌聲扇後出，妝影鏡中輕。
未能令掩笑，何處欲障聲。
知音自不惑，得念是分明。
莫見雙頻歛，疑人含笑情。

題崇福寺禪院

唐
崔峒

僧家竟何事，掃地與焚香。
清磬度山翠，閑雲來竹房。
身心塵外

遠歲刀坐中念向晚禪堂掩無人空夕陽

送真上人歸山

得道雲林下年深暫一歸出山逢世亂乞食覺人稀半偈初傳
法中峰又捲扉愛離應不染塵俗自依依

送陸明府之明貽

陶令之官去難愁慘別魂白煙連海戍紅葉近淮村遠浪搖山
郭平蕪到縣門政成堪吏隱免賀府公恩

送薛良友往越州謁從叔

辭家日已久與子分仍深易得思鄉淚難爲送別心孤雲隨浦

口幾日到山陰遙想蘭亭下清風滿竹林

潤州送師弟自江夏往台州

遠客乘流去孤帆向夜開春風江上使前日漢陽來別路猶千里離心重一杯剡溪木未落羨爾過天台

登潤州芙蓉樓

上古人何在東流水不歸往來潮有信朝暮事成非煙樹臨沙靜雲帆入海稀郡樓舊選興良牧謝元暉

揚州選蒙相公賞判雪後呈上

自得山公許休畊海上田漸看長史傳欲棄釣魚船窮巷殷憂

白蕪城雨雪天
此時瞻相府
心事比塵懸

宿禪智寺上方演大師院

石林高幾許
金剌鞋中峰
白日空山梵
清霜後夜鐘
竹牕迴翠壁
苔徑入寒松
幸接無生法
疑心怯所從

題空上人石室

早晚悟無生
頭陀不到城
雲山知夏臘
猿鳥見修行
地僻無溪路
人尋逐水聲
年年深谷裏
誰識遠公名

登蔣山開善寺

山殿秋雲裏
香煙出翠微
客尋朝磬至
僧背夕陽歸
下界千門

見前朝萬事非，看心兼送目。
葭菼暮依依。

送李道士歸山

秋城臨古路，城上望君還。
曠野人寒草，獨行隨遠山。
人鴻寶，內將大白雲間。
早晚煉丹龍，遶知水雪顏。

江上書懷

骨肉天涯別，江由日落時。
淚流襟上血，髮白鏡中絲。
胡越書難到，存心夢豈知。
登高廻首罷，形影自相隨。

喜逢妻弟鄭損因送入京

亂後自江城相逢喜，復驚爲經多載別。
欲問小時名對酒，悲前

事論文長後生遙知盈卷軸紙貴在江城

詠門止書小松

昔聞生澗底今見起壘端衆草此時沒何人知歲寒豈能裨棟
宇且貴出門關只在丹青意凌雲也不難

拜拾遺耐丘二十二見贈

江海久垂綸朝衣忽掛身丹墀方相主白髮免羞人才貴文章
士名當諫諍臣空餘薦賢分不敢賣交親

春怨

唐崔櫓

夜盡夢初驚紗牕早霧明曉粧脂粉薄春服綺羅輕妾有今朝

恨君無舊日情愁來理絃管皆是斷腸聲

冀北春望

唐
崔湜

迴首覽燕趙春生兩河間曠然萬里餘際海不見山雨歇青林
潤烟空綠野閒問鄉何處所目送白雲還

過博陵

明
王英
金溪人

春風博陵道惆悵度河梁積水通滄海遙峰接太行荒城多古
屋遠樹半斜陽野老閒相問猶憐舊種棠

秋日漫興
三首

明
張爾庚

夢轉百思動擁衾聞遠鐘疎窻曉色冷孤榻野情濃善病癯猶

鶴難馴性自龍勞生多感慨懷古將奚從

其二

下榻習僧定心花猶怒開吟聲驅剝啄月氣淨塵埃識澹生可
理局新困散才吾寧用我法身世不須猜

其三

所樂不知倦攤書輕夜分續聲屋號月農課野照雲詩壘駭勃
敵酒功策半醺關身寧許事世態厭紛紛

和門見衷先生依隱園韻

張念祖

積靜開幽力搜竒自腕靈宮商誥鳥韻籀篆識蝸經吟冷空塘

月坐遷踈樹星思深感古事獲我了歆舲

其二

癖幽合養晦樂志及閑身萍散開池眼雲迴著樹巾榴花嬌亞
戶竹鳥靜窺人小隱辭同列悠然識性真

古別離

那禁一日別隔此萬里山渭北春空渡遼西夢是閑史知天盡
處猶在月明間縱有思鄉淚東風寄不還

送別

君去但應去如何遣恨知柳風人夢破梅雨馬啼癡想預愁明

夕平集元 卷之九 三 是五
日逢還冀後時也知乘醉好更願酒對遲

和梁大司馬玉立先生秋懷韻

張念聖

蕭瑟復蕭瑟天如示我愁傷心聊對酒善病况逢秋榮落花經
眼因循雪返頭清輝昨日滿今夜又如鈎

其二

秋氣或春似曠觀始覺非蛩吟時斷續菊信任遲違雨坼榴紅
綻風刪柳綠肥相酬尋句好兀坐惜秋暉

其三

風入閒庭響驚心日月除藏珠羞彈雀緣木且求魚諸葛真名

士論衡非異書所懷無艷熱秋若私吾廬

署東小軒圮甚捐貲葺之落成命曰靜觀齋用領聯作聯

足成一律

國朝

李甲黃

靜求須有地此築良多功花事于哇雨琴心四座風
蕭裘日退
食鶴伴夜焚空不負蒼生意悠焉此室中

陳子萬之任安平令小詩奉贈

癸亥

真定

梁清標

玉立

傲儻荆溪客高秋捧檄新家門推俊及兄弟並詞人訟少湘簾
下民和乳雉馴莫言寒漸逼花發博陵春

其二

折腰爲晉吏猶是舊綈袍趙苑悲歌地元龍湖海豪幾年淹驥
足百里試牛刀每憶鷓原急悽然罷濁醪

悼其年太史

癸亥九日慈仁寺開賦送陳子萬之任安平令

新城

王士正 阮亭

偶來慈氏閣表裏望神州才子穀邱長告予將遠游佳名重九

日古邑鄂千秋

安平漢鄂千秋封邑也

珍重文園草應勞漢主求

時相商校刊令

兄其年太

史遺集

讀安平縣陳宗石請崇祀格文清夫亨書

京江

李其和 梅崖

俎豆尊夫子君書我愴然有詩歌沒世無酒到重泉東漢門生
篤南州故吏賢議成追配食應在首陽巔

安平畱別姪婿陳子萬

商邱侯方巖叔尙

且其長亭別還邀匹馬來懸知聽異政重與上仙臺鯨化非時
得龍媒莫浪猜眼中人老矣吾子與徘徊

其二

節操君家舊風流蒞政初須爲興教化好使穩耕鋤出駕非無
馬同殮剩有魚茲游吾已倦暫與故人踈

寄懷陳子萬于安平

桐城方中德田伯

安平縣志 卷之九
慈仁松下語夢寐到今年吏果稱清白經仍守太元雲山三輔
近書扎隔冬傳特覓南飛雁因風問潁川

鐵佛寺

陳維岳

鐵佛畱遺製無僧常閉門寺荒何代建佛古少人尊白水通斜
照青苔劃舊痕傳聞鐘十里行客易銷魂

其二

寂寞竟何許安禪得此心經誰翻白馬地想布黃金舊歲商羊
舞邑中昨歲大水新春越客吟偶然成獨往斷樹懶披尋

和締雲三弟鐵佛寺韻

溫陵

陳昌國 北山

何年遺古寺白日鎖重門已絕山僧跡空餘鐵佛尊庭塔寒草
色碑碣沒苔痕衰邁從觀此凄然欲斷魂

其二

喪亂身何定艱危見佛心諸天全是鐵四海已銷金老去慚真
隱愁來欲浩吟博州吾弟在千里慰招尋

謂四弟
子萬也

乙丑正月十六夜

陽羨

陳宗石

子萬

乍見朦朧影開醅興偶然百年幾令節一歲月難圓髮爲心傷

白

時子第三女新
逝月餘故云

官困骨瘦憐今宵須痛飲萬事總由天

乙丑十一月二十三日薄暮抵署馬上漫成

寒鴉群噪晚煙霧鎖孤城雪瘦泥偏滑心勞夢轉驚未能辭跋
涉豈敢厭逢迎出處慚何補浮生一葉輕

登安平縣庫樓臺

陽羨

孫亢宗

紫縉

納涼聊散步乘興一登臺拾級趨雲路凭闌接上台歌聲城外
沸時城南
演賦鳥影座中來足躡金銀氣臨風實快哉

丙寅登南平庫樓次孫紫縉韻

陳維岳

數武衙齋近閒登亦有堂薰風披野樹夜色動星台老病何嘗
減鄉書不見來并州吾弟在相對意悠哉

丙寅五日安平署中示弟子英

南薰風轉扇令節月將
竹脆絲繁地柶花槐綠天思親戚
世作客又經年賴有同懷好并州極可憐

送陳子萬之任安平

慈谿

姜宸英 西溪

赤縣連京輔蒼生倚上才
剽椎仍舊俗咻喚自嬰孩
粉堞河依岸琴堂草沒堦
休卑千室吏新向日邊來

學宮告成恭紀

陳宗石

自古斯文地如何作鞠場
桓碑累苔蘚松柏繫牛羊
雨濕煙沉紫塵高風角黃
仰瞻賢聖宅榛莽實堪傷

其二

五鼎六
卷之九
三
五十一
无磔高低影詩書相與祿有心尊俎豆何處肅蒸嘗天上奎星
府人間禮樂堂經營三載劇數仞識宮牆

其三

歷歷幾寒暑魏魏煥殿庭風雲時擁護琴瑟響愆穰秘閣藏圖
史圖橋聚德星衣冠從此盛吾道不飄零

其四

兩丈談經殿風前聽鹿鳴

御書三殿發

時 皇上發 御書
萬世師表扁懸學宮

師道萬年榮敢謂文章貴還須品行清吾曹應勗此切莫負虛

子萬四兄招赴安平小飲講學亭

海陵陳奕禧 六謙

兄作黎侯國予分夏出都尚嫌千里遠猶得四年俱好寢春池
草先飛北關是太行青隔斷不敢報窮途

兄自黎城罷尹安平已七年予今歲始歸

安邑來
深澤

其二

深澤銓新宰相期望我來

兄與東鹿丞公大匡先生見深澤飲令便聖予今慰所願三人喜可知也

忽看除目下果並幕不栽春月垂高柳薰風暗綠槐一朝騎馬

到真有笑顏開

兄與大匡暫至深澤快飲二日

其三

潘岳栽花縣文翁立講堂從容多政事暇日見文章宦跡常深

省高亭共幾觴清門遺美在豈惜勉同行

兄建講學亭於豐宮時相聚亭上勸我爲

政之道故云

其四

避炎聊解綬倚話若憑舷晚過城頭雨涼生樹底蟬吾兄真達

者萬類付陶然此理誰能會將詩寄惠連

時大匡以疾不至

家六謙遊飲講學亭授予四章予亦漫成以應

陳宗石

最愛虛亭敞凭欄若放船登臨非俗客談嘯卽游仙短雉森斜

照高樓入暮煙相將還解帶攬景意悠然

其二

大有傷心事

予內子侯孺人新逝洵見薛見相繼殤故有傷心語

聊爲此日歡他鄉稀髮

髮宦游少金蘭世態同蕉鹿天心驗歲寒相逢須痛飲莫作等

閒看

其三

歐陽亭六一蕪老竹名樓豈敢前賢托聊資吾黨游簿書偷暇

日勝賞幾清秋河朔當年飲踈狂不識愁

憶當年聚飲黎城

其四

萬頃荷潭碧千章夏木幽未能辭手板空自負春秋踳躅予偏

酷飛騰君莫愁大匡聞命駕底事又遲留

大匡不踐約故及之

庚午秋七月再登講學亭感賦四首

桐城陳雲謀大匡

鬱鬱適茲土抱關祇自悲却因晴雨話來賦鵲鶴詩憶別時已

久相逢緣更高登亭如泛艇吳語稱襟期

丙午秋同沈方鄴黃俞邵方田伯吳子班

訪子萬先生于秦淮相別二十有五年矣

其二

爲令清如此吾兄良可師化行心自愜才大吏難欺但聽編氓

誦休嫌豪貴臨隣封來三叟口塞道旁碑

時過隣邑兩老人述安平善政甚悉

其三

踈狂人欲殺計險陷危途不緩先生頰那全弱弟軀嚴霜愁遠

塞瘡病怯長驅往事悲真臆臨風一嘆門

戊辰九月余抱病甚劇有階以遠役者幾

雁不測千萬先
生力救獲免

其四

大史文章伯高名孰與儔妄言徒具錦撼樹豈虺螭

時迎陵集成有以評

論問予者其言甚妄

家學元同季才華冷並裘達夫官咫尺得句定相酬

正山先生時

來宰深澤

庚午秋日陳明府招集講學亭四首

秀水高佑鈺念祖

五言集卷之九
滕有宮墻地經營待使君墜茨開絳帳追琢接青雲能化荆南俗應空冀北群
蜚新氣象功在起斯文

其二

築室何輪奐依然漢講堂詩書思化雨今古暴秋陽
吾道大無外爲亭小不妨作人有深意豈獨在文章

其三

籍甚絃歌美能令襟海開春風連四境冬日滿層臺
吏散携琴坐朋來放鶴足勝情得似羨爾濟川才

其四

同字揚亭者寧辭載酒類談經刪俗學接轡見天真幔捲花光
密簾垂香氣親謂余同志操延賞傍芳塵

四叔父捐俸構講學亭敬和原韻四首

陳履端 求夏

面面湘簾縹元亭似小船官清斯見道學正鄙求仙城角啣新
月楊絲織暝烟纔看徹皐比吟興更悠然

其二

吾道原胞與同人意自歡循墻觀老樹入室嗅幽蘭文妙疑泉
湧詩奇逼劍寒春風桃李發珍重及時看

其三

最愛亭中坐何妨更上樓

亭前有尊經閣

相期會往哲庶不負斯游花

發當三月亭成已二秋村墟夕陽外渺渺起鄉愁

其四

端也追隨到儵然境自幽斯文垂億禩堂構足千秋士誦若焉
樂農歌底事愁明當載清酒問字且淹留

安平署中看桂花

陳堂謀

來坐虛檐下看花酒易傾秋陰團碧葉冷露綴金英影帶吳山
秀香添燕月明攀援賦招隱同有故園情

七律

題李明府書舍

唐崔峒

訟庭寂寂對煙霞
五柳門前聚晚鴉
流水聲中視公事
寒山影裏見人家
觀風其美新爲政
計日還應更觸邪
可惜陶潛無限興
不逢籬菊正開花

送聶人少府歸東京

元成世業紫真宮
文似相如貌勝潘
鴻鴈南飛人獨往
雲山一
到歲將闌清淮水
急桑林晚古驛霜
多柿葉寒瓊樹
相思何日到銀鈎
數字莫爲難

寄常蕪州兼呈吳縣李明府

數年湖上謝浮名，竹杖紗巾遠稱情。
雲外有時逢寺宿，日多無事傍江行。
鰲潛縣裏看花發，庾亮樓中對月明。
誰念獻書來萬里，君王深在九重城。

送馮八將

玉門別後到滄洲，帝里相逢俱白頭。
自嘆馬卿常帶疾，還嗟李廣不封侯。
棠梨宮裏鶻龍哀，細柳營中著虎裘。
想到滑臺桑葉落，黃鸝東注杏園秋。

處州見鄭表新詩因以寄贈

梅花嶺裏見新詩，感激情深過楚詞。
平子四愁今莫比，休文八咏自同時。
萍鄉露冕真堪息，鳳沼鳴珂已訝遲。
才子風流難定見，湖南春草但相思。

贈寶十九

靈臺暮宿意多違，木落花開羨客歸。
江海幾時傳錦字，風塵不覺化緇衣。
山陽會裡同人少，灞曲農時故老稀。
幸得漢皇容直諫，憐君未遇覺人非。

郝姑臺觀

明李進

同安人

孝及嚴親惠及兵，殿庭高聳勢崢嶸。
鳥從碧玉臺邊過，人向青

雲頂上行旌教一函頒漢代神功千載著安平我因仕路經行
便直上層巒望帝京

郝姑臺觀

明

崔良貴

邑人

瑤樓玉砌倚天威雨露年年動物情正氣自緣忠孝顯香烟誰
主漢元盟蒼苔月上遡廊寂碧落烏殘老樹橫不是英靈千古
赫於今那得聽仙聲

觀稼亭和李達菴黃門韻

明

張爾庚

春野爭浮萬黠青仙臺晚日放微晴清明節近逢佳客平楚煙
新隱翠屏濟勝有綠陰笑語遊人何處送歌聲爛熳效旬時興

感多少哀榮荷此情

觀稼亭大雨同吳洞如刺史

莽風捲雨半天昏勢撼危臺臺欲掀林薄壓轟玉虎怒鯀稜飛
掣金蛇翻茫茫白晝千村失灑灑流奔亂水渾三蓋不堪遮
客攝衣貼壁學獅蹲

聖姑仙臺

突兀崢嶸拔地孤虛空盤插四隣無高寒雷雪傳仙跡縹緲携
雲入畫圖盡級級視階鳥背下剝蘚看碣字形糊貞忠日月光千
古何事祈蠶小語姑

聖姑臺

明 梅洪

瓊宮近接北城隈，傳是仙姑古廟臺。
靈爽又從昭代顯，芳踪原自漢朝來。
宇藏翠靄時留月，文剝青珉半禿苔。
今日我來登眺處，閒吟吊古怨徘徊。

康村晚渡

明 耿熙

路隔荒村逼暮天，行人待渡竚溪邊。
繞山暝色雲連樹，映嶂波光月滿船。
綠水潺湲秋島外，錦帆飄曳晚風前。
歸家正值更深候，獨對銀缸夜不眠。

孝林夕照

孝林東去路迢迢，薄暮孤村景最饒。
斜日半輪啣樹杪，殘霞五色鎖山腰。
雲頭艷艷披紅錦，水面沉沉濕絳綃。
幾度乘閑眺望處，只堪吟詠不堪描。

仙臺積雪

高臺隱隱聳雲霄，積雪年深尚未消。
滿地寒花堆枲杮，一園清影散瓊瑤。
仙翁賞處迷銀鹿，神女歡時失玉翘。
千載博陵形勝地，巍峨樓閣望中遙。

尊經閣

明
門洞開

峻嶒高閣倚官墻，畫棟彫甍日月長。
雲漢一天新氣象，奎牛五

夜燦文章漫誇太乙燃
蒸照牘逼蒸王襪壁
藏淨水衣冠從此
盛爭看麟鳳蔚岩廊

和門見裘先生賦虛室納微涼韻

張念祖

勾池方榭面晴空
吸爽踈櫺給座巾
冰雪是腸固却暑
煙雲發筆故生風
忘機深靜開懷迥
得意清佳到語窮
寄與同人敲柿葉
頻呼銀鹿走詩筒

寇警督守城樓命酒感事

更長風滿戍樓孤
聚米談兵是酒徒
劔足欺霜秋入頽
弓如引月夜懸弧
策雄秘計退黃石
岑冷高霄動白榆
盛世旂常頌

子幾多虎帳愧分符

法華寺阻風

石尤撼寺寺茫茫變水依冰立冷光
波大有龍噴怒展天空是
帶嚴霜柿紅寒火留官守驚苦愁心恨更韜
記得前年當此
白睛高小婦米成糕

和門見袁水部漫興

喜戰噴輪似多棋幾年龍劍負爲期
勒通生異食琴古瓜望無
成悔盡癡人不離奇難共友書當快讀
抵相知忙中事業閑
過藥裏詩囊伴歲時

賦得自笑狂夫老更狂

張念聖

自笑狂夫老更狂，眾人枳處未會忙。
追陪日月書千卷，酬酢鶯花酒一觴。
望古有懷殊碌碌，問天無語但蒼蒼。
不才應得明君棄，漁唱樵歌任徜徉。

其二

自笑狂夫老更狂，門無剝啄一亭涼。
移來花木充新友，展放圖書發古香。
願借好風吹酒夢，不嫌快雨促詩忙。
依稀榻得前人影，果腹夷齊鄙孟嘗。

其三

自笑狂夫老更狂，頭陀况味腐儒裝。
高懷偶愛閑情賦，佳句時焚伴月香。
輪我羈橋驢背穩，看他皇路馬蹄忙。
無材應世幽居好，別有牢騷寄墨莊。

安署新秋

晉黎李甲黃

簾外晴光微有異，秋纔成色尚無聲。
前宵露氣濃金掌，此夕花陰瘦玉罌。
蘭蕙俄生江上想，蓴鱸忽動故山情。
蕭晨爽節須清暇，淵靜於中不可鳴。

陳子萬出宰安平賦贈

蕭山毛奇齡大司

君家兄弟舊知名，羨汝驅車度井陘。
仙吏乍看雙翮遠，郎官直

映一星明琴揮中博鸞初下篆啓東廳花正生莫道鴻材方百
里漢庭久已特延英

送陳子萬之任安平

閻若璩

太邱名德冠州閭才子丰標玉不如家紹清卿無種橋沿登循
更有懸魚琴堂月靜還濡翰花縣春深好寄書君到博陵回首
望薊門渺渺故人踈

丙寅夏過安平子萬四弟出其年大兄迎陵全集遺余披

讀感而賦焉

陳昌國

使君官閣少人陪日日橫琴坐翠槐檢藥有詩憐僕瘦看花無

侶喜余來論心已慰連本會八座還留十日醉知公餘多逸
興自應嘯咏共登臺

仲春安平同弟子萬登聖姑臺

陳緝岳

良維一簣積嶽礪中博登臺有所思西去滹沱如帶遠背來恒
嶺插雲竒他鄉已遂連枝樂舊俗猶傳聖女碑最好夾堤無數
柳春風弄碧色參差

丙寅清明前十日深州道中寄子萬弟

猶及清明可到家并州風景異天涯平原令弟今爲政河北諸
軍肯可誇蝶舞孝姑臺畔草桃開才子筆中花垂鞭不控青絲

樂平縣志 卷之四 詩
轡乘月爭看白鳥驄

丙寅初夏北山三守大兄至安平賦示子萬四弟新詩兼
讀迦陵先兄集三首次韻

貴游京國倦追陪
暫借琴堂廕老槐
萬事總思歸臥去
一家且喜得朋來
花看芍藥攢紅艷
酒釀蒲桃發綠醅
若欲清風生兩腋
相携同上聖姑臺

其二

南陽畫諾勝宗資
康樂多情更賦詩
家弟作人無長物
徒令
客但補糜小兒德
祖大兒孔伯氏吹
塤仲氏簾嘆息
无憂如

作連枝各色也相宜

安平署中見芍藥漫賦

名花一種殿春殘
四月清和景未闌
芳草天涯尋較晚
美人南浦贈應難
戎笈艷嬌羅綺籍
籍生香濕露盤安
得錦屏銀燭繞夜深
猶向幾回看

甲子除夕安平署中示姪履端兒洙

陳宗石

何妨永夜燒紅燭
除夕年年說故鄉
終歲只愁民疾苦
平生竊慕古循良
傳家忠孝前規在
望爾詩書後起長
佇看明朝春事至
五風十雨樂農桑

安平署中乙丑元旦示端侄泚兒兼憶緯雲三兄

春風此日遍郊原

是日立春

東作還須雨露恩

聖世濫叨民社寄

黨人猶幸子孫存
風光忽觸椒盤感
詩賦還同綵筆論
遙憶阿

兄遲故國夢蘭應許太吾門

歲杪三兄書至云將有添丁之慶故及之

乙丑元旦後一日同李勺文孝廉暨琦戴覺人姪履端登

署中庫樓

乘閒直上最高頭
煙樹迷離望裡收
天際風光空想像
日邊雨
雪尚殷憂良朋細談
嚙昔薄祿沾沾悞
放遊何日抽簪三徑
好看花課了是良謀

乙丑正月初四日署中卽事示端姪汝兒

蕭蕭四壁如懸磬面面寒風說冷衙
羅雀堂前無暮夜聞歌城裡接雲霞
家傳清白無遺榻政拙催科學種花
努力飛騰期後輩積金與爾事全賒

乙丑人日

節序又逢人日至茗香芋火漫相親
南平柳線將凝綠故國梅花欲報春
四十過頭腰尚折三千沽酒典非貧
風塵輪却垂竿叟笑把經綸作釣綸

乙丑上元

寂寂孤城戶戶眠上元燈火暗凄然成樓漫打三更鼓六載頻

荒萬井煙

時安平旱荒六年故民間無生趣矣

多少風光傳帝里

相傳都門煙火甚盛

依稀

春色入樓船

時傳聖駕幸江南

獨憐此地蕭條甚月也多愁不肯圓

元

月無

招同周宜一崔亮遠吳負若登尊經閣

傑閣登臨面面開
携朋舊艷鄒枚荒城煙火多零落
魯園詩
書平草萊不覺斜陽凝
遠樹漸看暮影亂
平臺此時暑氣渾消
盡恨少紗歌寂寞回

六月七日夜同周宜一納涼惠崖堂西軒樹下

赤日西低暑氣平清談相對晚涼生庭前老樹遮天碧屋角新
蟾入眼明空想蒹葭依曲沼聊將書卷坐孤城君來細說江南
好蟹舍漁莊動我情

時宜一將上慰
白馬湖邊

喜北山二守長兄過署卽和原韻

荒涼清暑倩誰陪閱盡貪廉是此槐白壁黃金憎命蹇微官薄
祿怕人來忽聞車騎傳空谷喜奏頌笈酌舊醅回首昔遊風雨
夜知交彊半在燕臺

其二

三年薄宦豪無資棣萼相逢只詠詩已信世途都作幻却憐歲

月總虛糜毛坐捧檄慚親養官闕連枝慰我思惆悵迎陵遺稿

在潛然懷舊話相宜

時讀先檢討
兄其年遺稿

敬和三兄締雲署中看芍藥原韻

漫愁春去百花殘四月薰風芍藥闌折磨尚餘年少興移情恰
共弟兄難偶因紫艷宜金屋翻憶朱櫻入玉盤翹首豐臺與樂
苑離披奪目幾回看

閏四月三日邀同崔亮遠李簡臣吳魚若孫紫縉北山大
兄締雲三兄登聖姑臺

平沙何處看山色雉堞依稀常遠嵐綠樹遙連如翠帳碧甃深

影倒朱龕

聖姑座後
有古井

年年賽鼓爭瞻仰
歷歷遊人暢嘯談
若使

青閨都抗志
方知有女勝生男

丙寅九日安署志感

條淡秋容意不開
一官興盡懶登臺
西風滿砌吹殘葉
白日當庭照綠苔
半枕黃梁猶未熟
中年心事已如灰
今朝辜負題糕

節籜菊丹楓動我哀

時抱西河之
痛觸目傷心

登角邱地藏閣

十月霜寒曉角天
平沙漠漠起人憐
登樓忽動思鄉感
稽首從來薄世緣
檻外村煙還斷續
郊原楓樹足流連
勞勞惆悵風塵

苦白石清泉可自然

陳子萬以九日詩寄示即步原韻

解符

王

培

益作

欲雨愁雲遠不開平沙無處可登臺人多食苦誰言菊土半不

讀作

平聲毛未見苔一世功名渾似夢百年心事詎能灰插萸落帽

何人興黃葉西風自古哀

聞安平有麥秀兩岐之瑞喜而賦寄陳明府

武強

張星法

博陵香滿鹿車輕鈴閣籤傳報漏清雙秀曉寒栖麥雉數叢春
引入花鶯金沙早應霜臺望黼座頻書玉吏名遙托水天瞻百

尺九龍樓已接雲平

聞安平麥秀雙岐寄贈陳子萬明府

曲沃

耿蔚起

豹人

傳聞循迹高三輔麥秀雙岐史冊同近獲賢兄消永日

特延令
兄縞雲

在益欽茂宰播清風柳思彭澤依依碧花向河陽灼灼紅况值

獨租新詔下美人如玉訟庭空

春日登聖姑臺

周之翰

百尺高臺倚碧天巍巍廟貌幾經年花紅盡是傷親淚鳥語如
將苦志傳一片晴光來翠色半城斜日接荒煙登臨何處追芳
迹慚愧徒吟岵岵篇

和四叔父登庫樓韻

陽羨
陳履端
求夏

分明踞坐在城頭，雉堞依然面面收。
安用憑高悲往蹟，只須把盞散幽憂。
微茫村樹雲中見，縹緲家山夢裡遊。
來日相思剡門路，今朝不醉欲何謀。

時李勺文
公車入都

甲子除夕安平署中賦

三年除夕客中過

辛酉在都門壬戌癸亥在平原

今夕他鄉似故鄉，易逃歲華

人漸老乍逢骨肉話偏長

端別叔父甲辰八年矣今冬始復相聚

莫辭薄祿厨中

儉且喜新詩字裡香，來日珊珊青帝至。
順時覘土正須然。

陳明府子萬招諸同人讌集聖姑臺
卽席次陳司馬北山

韻

陽羨孫亢宗

紫籍

令君今日綺筵開賓主齊登郭外臺足躡層雲窺月窟目窮滄海坐蓬萊忠祠香火明還滅孝女仙蹤去復來憑眺不勝懷古意却將遺事付深杯

和陳司馬北山過安平署讀陳太史迦陵集韻

我得元龍師友資竊聞遺集共新詩揮毫此日分綾餅修史當年戒肉糜逸士風流裁薜荔高賢聲氣叶瓊筵從來白雪難磨和險韻推敲句未宜

安平署中和陳繡雲詠芍藥韻呈陳明府

漫說春歸花事殘，數枝嬌艷倚庭闌。
輸他鱗色無雙貌，索我巴吟有二難。
掩映茶麈香滿架，離披苜蓿影盈盤。
河陽仙令多奇賞，魏紫姚黃許並看。

丙寅九日安平署中卽席奉和陳明府忠感元韻

佳節河陽花正開，高懷偏憶子陵臺。
五湖擬泛舟携月，三徑將歸屐印苔。
興到耐時遊秉燭，詩成午夜撥寒灰。
他年我到還陪醉，樂比商瞿定破哀。

和陳明府登角丘地藏閣韻

晝臥日暖小春天，遊子思家祇自憐。
嗜懶未曾陪野眺，

折約同登因施

未
果
耽
吟
還
其
續
詩
緣
鳩
形
觸
目
分
清
俸
間點保甲惠有
洵
影
澄

心
謁
健
連

地藏佛經云
健目連尊者

煙
散
夕
陽
踈
柳
外
登
臨
逸
興
得
悠
然

和陳明府登尊經閣韻

震澤
周
儀
宜一

逸勝登臨一放歌
軒飛棟鬱嵯峩
定知三伏炎蒸少
會見千家紗
誦多檻外清風來
易水簷前曠色斷
滹沱看君白
髭文翁
化逸興能忘在
薜蘿

同周宜一崔亮遠登尊經閣和子萬陳老師韻

吳
璠
吳若

重關須待玉匙開
琴鶴相隨傾綠醅
遶友談經空北冀
延儒博

五五集元
卷之六
至佇看雲漢日昭回

其二

政簡常令心眼閒
芹宮新色映新醕
魯魚繫念登高閣
耕鑿關情視艸萊
解縉詩成丹鳳合
乘涼茶煖紫雲堆
從來勝說遨遊樂
樂事如今有幾回

己巳八月二十七日招李簡臣吳爾錫
吳若里人崔亮遠
著常張耀遠署中賞桂
陳宗石

平生哀樂如同夢
興到傷朋醉晚秋
露冷廣寒香細細
詩吟

隱意悠悠移來江北人稀識種得河陽花莫愁秉燭今宵真黍

竊樽前只少內黃侯

安平覓蟹
不得故云

辛未春日講學亭校士

陳宗石

喜見春風桃李妍朱衣點額不須錢好將彩筆驚霄漢
碩入宮墻學聖賢勞吏五逢多士會講亭教仍少年傳
細看殿角風雲起送爾諸君到自邊

秋日陳明府子萬招飲講學亭

景陵程大夏
悟齋

縹緲層臺爽氣盈宮墻數仞聚羣英酒從半醉方能飲
學到中年猶未精千古是非誰定案五經同異盡疑城
博陵何似鷺湖

藝文詩

會遜爾循良作主盟

崔安舖早餐

雙東四兒子

陳堂謀

北溪

認是前邨路不賒
催人忙起怪啼鴉
胭脂淺着白楊樹
冷雪平鋪蕎麥花
閒眺秋陰容鈍馬
恰逢雨霽靜風沙
鳴琴近有吾兄在
側耳常聞父老誇

七絕

題蘭若

唐
崔峒

絕頂茅菴老此生，寒雲孤木伴經行。
世人那得知幽徑，遙向青
峰禮磬聲。

贈美人

唐
崔澹

惟得輕風送異香，娉婷仙子曳霓裳。
惟憂錯認偷桃客，豈倚曾
爲漢侍耶。

山路見花

曉紅初折露香新，獨立空山冷筍春。
春意自知無主惜，恣風吹

逐馬蹄塵

曉鷄

唐
崔護

黯黯嚴城罷鼓聲
數聲相續出寒樓
不嫌驚破紗窗夢
却思爲
奴半夜啼

題城南村扉

都下
郊遊

去年今日此門中
人面桃花相映紅
人面不知何處去
桃花依舊笑春風

別佳人

唐
崔廌

壠上流泉壠下分
斷腸嗚咽不堪聞
嫦娥一入月中去
巫峽千

秋空白雲

秋寒過博陵宿古寺

寺在義門村
詩勒石于壁

宋 吳居易

都水
使者

寒雲宿雨柳依依古寺蕭條過客稀
秋蔬滿庭糝不掃
秋應天
女散花歸

題李德林孝行

七

銷
豐
畫
良
自
豎
昏
明

成祖皇帝

撰

年幼偏能執父喪
靈輿白駕過
還鄉單衣徒跣
嚴冬裡解使州
人盡感傷

慈親遺仕爲家貧
母歿哀傷更慘
人憐德瘡生旋
自愈須知至

孝格蒼旻

示
報
本
行

題元婦孝行

居喪盡禮有崔生毀瘠悲哀出聖武乳燕更巢甘露降天教培
物表休徵

明妃曲二首

明
張爾康

當年絕世一佳人何得全憑畫裏身白是君王不重色故將傾
國遠和親

掖庭咫尺棄長門豈獨穹廡地斷魂金屋何人烟草沒得名干
哉亦君恩

明妃曲二首

國朝
張念祖

長門買賦笑當時肯茹丹青委重貲色絕祇應描不出令人鉅
恨寫真詩

和親違嫁出漢天一去邊陲許晏然圖畫不堪金屋貯可能隨
例上凌煙

送陳子萬明府之任安平二首

癸亥九月

秀水

朱彛尊

竹垞

九月天風脆柳絲別筵醉把菊花枝平原文賦于今少猶喜新
除陞浚儀

其二

故人驅馬博陵城關樹迢迢指去程到日琴堂詩思好滿山松

雪畫簾晴

安平至南宮春暮道中一絕

陳維岳

柔嫩蒙茸壓曉車
博陵南去墨雲斜
魂消空感題門句
三月春深不見花

酬吳貞若枉贈原韻

才子風流植蓋餘
琅玕珍重意何如
博陵春草羈遊恨
賴有高文一起予

其二

吟吳貞厚同調姓氏甘傳公譚詩昨夜花前聯袂醉幾回
他

日作相思

初夏安平署中觀子萬四弟藏扇印事

楚竹齊紈重疊竒晴牕開篋日遲遲餘花猶落臨潘縣芳草添
薰勝謝池

其二

雅嗜承家不乏賢清風餘韻足流傳他年歸老江南岸與爾同
乘書畫船

丙寅安平署中觀黨人碑劇

啓禎陳事最堪悲忠孝家門剩子遺折戟江山淘洗後花前一

劇黨人碑

和陳緯雲觀黨人劇韻

孫亢宗

優孟衣冠動客悲
千年忠佞戲場遺
長留司馬諸名姓
付與歌兒口作碑

六月十日口號示宜一

陳宗石

平生厭殺簿書忙
薄祿微名鬻髮霜
且喜訟庭無箇事
與君閒話水天長

呈陳明府一絕

周儀

恍融秉令正炎蒸
偶一相思過博陵
不是鄙人能觸熱
使君清

比玉壺水

安暑和韻

染翰哦詩有底忙
訟堂無事凜清霜
吏閒天與鈔書日
綠映高槐午晝長

安平初秋河水泛漲秋禾將登被涂予晝夜防隄口占誌
意

陳宗石

可憐秋圃歸河伯
剩有殘楊帶夕煙
一望遠天翻白浪
方知陸地好行船

山臺積雪

陳宗石

孝女仙成記漢時貞魂千載吊荒祠天教六出堆瓊砌好護璇
閨冰雪姿

北寺晚鐘

古寺猶傳鐵佛名荒煙寂寂少人行晚來忽聽鐘聲度愁見棲
鳥繞樹鳴

康村晚渡

門栽柳樹人稱晉水逐桃花俗避秦南北紛紛來去客不如野
老自知津

龍井湧泉

一泓清可泛長流何羨中令第一籌
曾有風雲時變化崇朝霖雨潤神州

紫荆晴翠

博陵自古號平川偏有名山借筆傳
日煖晴光騰翠岫煙凝霞影接遙天

孝林夕照

俗樸風淳推孝里農耕士讀女蠶桑
兒童放學歸來晚白叟扶藜話夕陽

滏河夜月

卷之六
五十一
五十一
滋河秋水接瀛池，雲散天空皓月過。夜靜人稀爭渡寂，蓼花灘畔起漁歌。

義門秋雨

百畝農家憂旱魃，一朝秋雨答天心。當年孝義高千古，畱得芳名說到今。

辛未初秋種竹，患立。東偏偶成。

陳宗石

移來修竹月剛圓，滌盡塵襟意豁然。從此官齋不寥落，歲寒相共看春妍。

其二

舞回花手自裁
舞江秋葉老于
懸羨君節操凌
霄漢同調應

洪三

真種竹情偏
愜鷄肋浮名俗
未刪我欲趨時
時未許從吾所

洪頊

其四

一宵窈茗坐幽
篁羅雀門庭機
已忘清夜思量
真愧殺乞墦猶

宦游場

五絕

門見裏先生招，依隱園看梅。

張爾庚

極清難下語，鄭重不題梅。但問司花者，茲花何以魁。

其二

梅作一客氣，誼故應長同。是素心侶，客梅相與忘。

畱客

靜久畏客來，既來恐其去。相畱醉明月，不覺東方曙。

清明月

恰是可憐月，席牕分外明。凭欄與隱几，都會到三更。

梁上燕

張念祖

梁堆明月影泥砌落花風不守年年舊徒勞處處空

雪

月裏水晶樹虛冷結水花天風吹昨夜搖落滿人家

宮詞

春風吹柳絮二月出宮墻滿殿香塵起何人拂御牀

山村

茅屋盤山隙蒼苔匝樹脚暮烟接水勻濕壓芙蓉落

官道柳

張念聖

長條無復存短枝寧堪折不知大道中還送幾人別

獨酌

欲共青天飲青天先已醉晚照帶紅霞一片醜顏媿

安平道中口占

孫亢宗

雨過郊原澗風來草木香牧童吹短笛野老坐垂楊

詩餘

題聖姑廟壁

喜遷鶯

汀洲蘋滿記翠籠采采相將鄰媛蒼渚煙生金支光爛人在霧
綃皺館小鬟頰成雲散羅襪凌波不見翠鸞遠但清溪如鏡野
花留靨情睽驚變現身後神功緣就吳蠶繭漢女菱歌湘妃
瑤瑟春動倚雲層殿彤車載花一色醉盡碧桃清晏故山晚嘆

流年一笑人間飛電

偶檢宋詞此闕乃王秋暉作有志誤
載明人楊用修今爲改正宗石謄

題聖姑廟

念奴嬌

廣陽

李運長

安村城隈見高臺古殿巍巍我昔尺傳是僊姑巖女廟周代靈純

孝節困解蕭王鋒摧逆孽再起中興業感神昭報龍跳曾賜題
額 遙想光武當年奇踪異跡此事堪稱特眼底興亡千點淚
灑向灰飛煙滅香火猶存英靈何處長使勞追憶魂搖日暮空
教殘照浮白

再登觀稼亭晚眺

南鄉子

郊柳半成蹊忍受東風次第吹陌上遊人凝望處依稀落日輕
陰樹色迷 此景莫低徊城角鴉啼倦欲棲暹日繁華今在不
歸今綠水青山却笑誰

滿江紅

安平民間一產
三男漫填紀事

陳維岳

拍手兒童誇余弟南平作牧喜境內孜孜馴雉翩翩騎竹一事
近來尤可異三男同乳新嘉告賜天家布帛到民間爛班足
璋可弄增雙玉衣可做添雙幅索銀盤豈有瓦盆同浴盛世不
欣符瑞誌野夫偶訂風謠錄笑學生八士漫驚竒煩更僕

滿江紅

安平民間麥秀兩岐
一產三男詞以頌美

孫亢宗

官瘦民肥堂簾下和風甘雨傳佳話雙岐麥秀三男同乳瑞應
物華堪入史祥鍾人傑非常遇聽謳吟載道頌神君歌來暮

嘉種熟桑無附赤子育慈於姬羨中牟異政奏南平路又喜旱

蝗飛不入

時有蝗患
竟不爲害

更聞猛虎憑河渡料封章上告動天顏

安平縣志
卷之九終
廋殊數

安平縣志卷之九終

安平縣志卷之十

禱紀志

志爲紀事之書凡事之有關於一邑者皆得備紀之矣然有事可不必紀而又不必遺者志之固足以垂鑒戒覽之尤足以廣見聞也是故志禱紀

災祥

晉咸寧三年八月安平霜害三豆隕霜傷穀

見晉書

安帝義熙四年冬十一月魏安平縣獻白兔

北魏孝武帝太元十年太白晝見於昂畢

唐神龍元年春封崔暉爲博陵王夫鳳暴作折其輅蓋

宋元符元年安平縣生瑞麥

熙寧八年四月大旱

明永樂四年秋安平縣大旱詔戶部發粟賑之

嘉靖四十四年妖賊馬相等作亂伏誅

初西遼城人李學詩馬相等與妻孫

氏皆以白蓮教煽惑鄉民久之謀倡亂糾衆定於七月十五夜舉事天偶連雨妖黨失期未集地方張平被酒唾罵賊手刃之因而縱火焚劫村落典史陳萬卷率領民兵擒獲餘黨解散官民各蒙陞賞有差

嘉慶十五年大饑賑以德州倉米

同治十九年蝗蝻遍野無稼

萬曆二十一年秋滹沱河移渠城外大水

萬曆二十三年秋滹沱河南徙百里許

萬曆二十四年麥秀三岐

萬曆三十五年丁未大水入城以門樓塌阻水道免

按縣南有

滹沱河北有沙澇滋三河是年六月水各暴發連阡沒阜泓然無際環城波浪衝入東門直走文廟前忽東城門樓塌下及兩輔壁並傾正阻水道若有神力爲之一城獲免然九隰之禾盡付波臣矣是歲大肉

天啓六年丙寅大水滹沱河移去

按滹沱河無定止或南在深州境內或北在本

縣境內屢有遷徙勢必暴漲是歲水勢洶湧浩渺無際四河相連禾傷無餘及禾勢復下移於深州城北秋成已無望矣

歲大肉

崇禎十年丁丑赤氛朝夕見

自本年九月初漸見朝東夕西大至踰天之半人莫識

故者至十一年被兵乃止張刺
史有詩記之門工部亦有短律

崇禎十一年戊寅

大清兵攻城二晝夜不下縣令孔聞俊中流矢卒

事詳名宦傳中

崇禎十二年己卯旱星殞

滿子村天焰忽明殞一物如石有聲狀如犬首黑紫色寄庫

無存

崇禎十三年庚辰大旱秋後蝗

崇禎十四年辛巳大旱瘟疫大作人相食盜賊充斥

崇禎十五年壬午

大清兵復至攻城不克引去

崇禎十七年甲申闖賊僞官至土寇聚黨稱王地方擾亂

國朝定鼎命王闡山招撫畿南僞官逃走邑民請官兵至討賊

無遺地方悉平

是歲真定督軍門事徐標爲裨將李茂春等所害西迎流寇僞官樊景星至又

招賊首康文斗入城括富民民方苦之聞李自成大敗西逃僞言與賊乃大掠城中出衆羅官屯僞官潛遁賊自號康王傅家莊民呂姓者以生員呂光陽被賊擄殺往請官兵遇玉大固山奉

命撫定畿南駐在定州將兵奄至擒康文斗誅之本朝官至地方遂平

國朝順治二年乙酉大水十月桃花開

四河並漲流復相控

順治四年丁亥七月飛蝗蔽天自秦地至

順治五年薄沱河復壅

順治十一年南北河水一時漲發決隄潰入城壕禾盡淹
沒米價騰貴民多流散迺竄遠境

順治十二年五月蝗集食禾苗過半

康熙七年六月地震七月大水決隄

康熙十七年十月初五地震

康熙十八年亢旱自夏迄秋未雨禾稼盡稿民多就食

外境

康熙二十四年六月末旬南北河水並發禾稼澇傷過半

事 聞復於本年地丁蠲免三分之一外照被災分數
又免徵銀一千九百二十四兩有奇

康熙二十五年正月杏宮村民張克先妻荀氏一產三男
奏 聞給布粟贍養

康熙二十五年閏四月李家莊民張欽教田內麥秀一莖
兩穗節葉俱雙

康熙三十一年三月堤窩村民趙崇明妻張氏一產三男
奏 聞給布粟贍養

異聞

三國管輅見安平太守王基基令作卦輅曰：「昔有婦人生一男兒墮地便走入竈死又床上當有一大蛇啣筆小大異視須臾去之也又鳥來入室中與鸞共鬪鸞死鳥去有此玉椎基大驚問其吉凶輅曰：「直官舍外遠魑魅魍魎爲恠耳兒生便走非能自走直宋無忌之妖公將其入竈也夫蛇啣筆直老書佐耳鳥與鸞鬪直老鈴下耳今卦中見象而不見凶知非妖咎之徵自無所憂也後卒無患。」

輅別傳曰：「基與輅共論易數，輅中太以爲喜，樂語輅曰：『俱』」

相聞善卜定其清論君一時異才嘗上竹帛也輅爲基爵
卦知其無咎因謂基曰昔高宗之鼎非雉所鳴殷之階庭
非木所生而野鳥一鳴武丁爲高宗桑穀暫生太戊以興
焉知三事不爲吉祥願府君安身養德從容光大勿以知

神奸汗累天真

以上二條
見三國志

禠事

漢高祖時置安平國故信都也明帝以安平益封樂成王討
十三城九萬一千四百四十戶六十五萬五千一百八口
信都有絳水滹沱河 阜城 南宮 扶柳 下博 武

邑 觀津

堂揚

舊屬
鉅鹿

武遂

舊屬
河間

饒陽有無道

安平

舊屬
涿

南深國

漢桓帝嗣立尊祖河間王開爲孝穆皇父蠶喜侯翼爲孝崇

皇陵曰博陵

博陵之
名由此

延熹元年置博陵郡奉孝崇皇園陵

郡治先在博野後徙安平

漢元嘉二年詔安平王豹河間王建渤海田攄長社益陽

公主會葬孝崇皇后於博陵

漢中平元年安平王續有罪誅國除

以上各條
俱見漢書

漢永興元年宦者趙忠喪父歸葬安平王伯爲喪璠玉匣耦沐

冀州刺史宋穆聞之下郡案牘吏畏其嚴明遂發墓剖棺
陳尸出之而收其家屬帝聞大怒徵穆詣廷尉輸作左校
太學書生劉陶等數千人詣闕上書訟穆曰當今中官近
習竊持國柄手握王爵口含天憲運賞則使餓隸富於季
孫呼吸則使伊顏化爲桀跖而穆獨亢然不顧身害非惡
榮而好辱惡生而好死也徒感王網之不攝權天網之久
失故竭心懷憂爲上深計臣等願黥首繫趾代穆校作帝

覽其奏赦之

見漢書

漢末黃巾賊起時博陵張牛角起衆自號亂軍與褚燕合燕

推牛角爲帥後牛角爲飛矢所中被創且死令衆奉燕告

曰必以燕爲帥角死衆奉燕故改姓張剽悍捷速過人軍

中號飛燕後乞降拜中郎將

見張燕傳

晉穆帝永和八年冬十月慕容恪屯安平恪將討王午故屯

安平積糧治攻具

見府志

晉孝武帝太元十年冬十月燕慕容麟攻秦博陵守王亮死

之

詳載亮傳

晉安平國統縣八戶二萬一千信都下博武邑武

遂觀津扶柳廣宗經

晉博陵國統縣四戶一萬安平饒陽安國南深澤

以上見

漢書十三城至此拆爲兩國今之安平止十

晉史

之一爾並錄之以見安平之稱策久而且大

隋大業九年博陵人宋子賢作亂討平之子賢有妖術每夜

樓上有光明能變作赤形稱彌勒佛出世又於堂上畫紙

爲獸形有人來禮佛者皆轉八形示之遠近惑信日數千

百人遂潛謀作亂爲無遮大會因帝在高陽欲襲乘輿謀

泄鷹揚郎將以兵捕之夜避其村但見火坑兵不敢進郎

將曰此地素無坑止妖妄耳遂進檢斫之

載府志

隋大業九年閏八月帝幸博陵瓌境內死罪以下復給一年

載府志

唐末安祿山僭號雄武皇帝國號曰燕建元聖武署拜百官取常山殺顏杲卿安思義屯真定會李光弼出土門救常

山思義降博陵亦據椎藁城九門

即無極

二縣爲賊守史思

明等踞占朔方節度使郭子儀自雲中引兵與光弼合

思明於九門蔡希德奔鉅鹿史思明奔趙郡自鼓城

即今

藁博陵復據之光弼拔趙城還圍博陵軍桓陽希德請

師於賊賊以二萬騎涉滹沱入博陵牛延珣發兵萬人來

助思明益強與光弼戰敗於嘉山光弼收郡十三博陵一

帶遂平

見唐史

宋理宗景定元年夏五月元蒙古陞真定鼓城縣爲晉州府

鼓城安平武強饒陽隸之

載府志

宋大觀聖作之碑

現在學宮

學以善風俗明人倫而人材所自出也今有教養之法而未有善俗明倫之制殆未足以兼明天下有子曰其爲人也孝弟而好犯上者鮮矣不好犯上而好作亂者未之有也蓋設學校置師儒所以敦孝悌孝悌興則人倫明人倫明則風俗厚而人材成刑罰措朕考成周之隆教萬民而

實與以六德六行否則威之以不孝不弟之刑比已立法
保任孝悌嫺睦任恤忠和之士去古綿邈士非里邇習尚
科舉不孝不悌有時而容故在官政趨利犯義詆誦貪
汚無不爲者此官非其人士不素養故也近餘暇稽庸
官之書制爲法度頒之學校明倫善俗庶幾於古

諸士有善父母爲孝善兄弟爲悌善內親爲睦善外親爲
嫺下于朋友爲任下于州里爲恤知君臣之義爲忠達義
利之分爲和下入下齊下射下出下取下錄下生下與下職下錄下申下計下射下錄下
諸士有孝悌嫺睦任恤忠和下行下見下于下事下狀下著下于下鄉下里下耆

鄰保任以行實申縣縣令佐審繁選天驕學考驗不虛保
明中州如合諸八行孝悌忠和爲上睦嫻爲中任恤爲下
書有全備八行保明如令不以時隨奏貢入太學免試爲
夫學生舍司成以下別開考驗較定不謬申尚書省取旨
釋褐命官優加拔用

諸士有全備上四行或不備一行而兼中等二行爲州學
士舍上等之選不全上三行而兼中等一行或不全上三
行而兼中三行者爲上舍中等之選不全上三行而兼中
一行或兼下三行者爲上舍下等之選全有中三行或有

中等一行而兼下一行者爲內舍之選餘爲外舍之選
諸生以八行中三舍之選者上舍貢入內舍在州學半年
不犯第二等罰升爲上舍外舍一年不犯第三等罰升爲
內舍仍准上法

諸士以八行中上舍之選而被貢入太學者上等在學半
年不犯第三等罰司成以下考驗行實開奏依太學貢士
釋褐法中等依太學中等法待殿試下等依太學下等法
諸士以八行中選在州縣若太學皆免試補爲諸生之首
選充職事及請齋長論

諸士以八行考士爲上舍上等其家依官戶法中下等免

戶下支移拆變借身丁內舍免支移身丁

諸謀反謀叛謀大逆子孫同及夫不恭詆訕宗廟指斥乘輿

爲不忠之刑惡逆誑罵告言祖父母父母別籍異財俱養

有闕居喪作樂自娶釋服匿哀爲不孝之刑不恭其兄不

友其弟姊妹叔嫂相犯罪杖爲不悌之刑殺人畧人放火

強姦強盜若竊盜杖及不道爲不和之刑謀殺及賣畧總

麻以上親歐告大功以上尊長小功尊屬若內亂爲不睦

之刑誑謊告言外祖父母與外姪有服親同母異父親若

妻之尊屬相犯至徒違律爲婚停妻娶妻若無罪出妻爲
不嫻之刑毆受業師犯同學友至徒應相 而 告 爲
不任之刑欺詐取財罪杖告囑耆鄰保任有所規求避免
或告事不干已爲不恤之刑

諸犯八行縣令佐州知通以其事目書於籍報學應有入
學按籍檢會施行

諸士有犯不忠不孝不悌不和終身不齒不得入學不睦
十年不嫻八年不任五年不恤三年能改過自新不犯罪
而有二行之實耆鄰保任申縣縣令佐審察聽入學在學

一年又不犯第三等罰聽齒於諸生之列

大觀元年九月十八日資政殿學士兼侍讀臣鄭居中奏乞
以

御筆八行詔旨摹刻于石立之宮學次及太學辟雍天下郡
邑二年八月二十九日奉

御筆賜臣禮部尚書兼侍講久中令以所賜刻石

通直郎書學博士臣李時雍奉勅摹寫

承議郎尚書禮部員外郎武騎尉臣葛勝仲

朝散郎尚書禮部員外郎雲騎尉臣常壽隆

奉議郎試尚書禮部侍郎學制局同編修官武騎尉隴西
縣開國男食邑三百戶賜紫金魚袋臣李圖南

朝請郎試禮部尚書兼侍講實錄修撰飛騎尉南陽縣開
國男食邑三百戶賜紫金魚袋臣鄭久中

太師尚書左僕射兼門下侍郎上柱國魏國公食邑一萬
二千二百戶實封三千八百戶臣蔡京奉勅題額

舊志云狐狸皮

狨皮二十七張帶
毛皮一十三張

貉皮

一十張
獾皮二十張
鴈

翎

一千七百
十五根

野鷄翎

一千
小麥一千五百
十石五斗六升

秋糧

千七百一十三石二斗
九升六合六勺七抄

丁絲

二千五百
三十一兩

桑絲

四千八百
四十九兩

六錢五六萬九千六十二穀草一萬九千三百九綿花十八兩五錢五分

商稅鈔五百六酒鈔二貫六門攤油粉鈔二十九貫契

本三墨課鈔二十九貫房屠貨課鈔二十八貫

孫皇親皇莊地每畝徵香油二兩四錢五分六釐花絨

斤花絨三十斤徑赴木戚交七錢三分七釐三毫共實徵香油一百

馬額承樂年間以安平乃畿內之地軍民之家欽免稅

養驛馬一匹每馬五十匹設群長一名以總之其兒馬糧一半各養孳生馬匹每二丁養兒馬一匹三丁

地一百畝養驛馬一匹每地五十畝養兒馬一匹兒驛一百八匹驛馬四百三十二匹至成化間更丁以地每

共設群長十一黃城社少馬十四亦設群長一名名歇醫十一名

馬賦

每年孳生馬一百八匹春
秋二季解太僕寺俵納

以上備載舊志賦役卷今附於此以備查考

明萬曆己酉孟夏知縣楊如棟書外語

真西山曰正己之道未至愛人之意不孚則雖有教告而
民未必從故某願與同寮各以四事自勉而爲民去其十
害何謂四事曰律己以廉撫民以仁存心以公蒞事以勤
是也何謂十害曰斷獄不公聽訟不審滄延囚繫憊酷用
刑汎濫追呼招引善訐重疊催稅科罰取財縱吏下鄉低
價買物是也四事中豈無當勉而未能者傳曰過而不改

是謂過譽十害萬一有之當如拯溺救焚不俟終日毋徂
於因循也習毋牽於利害之私必期於去民之瘼而後已
明萬歷三十八年八月知縣喬鍾秀刊扁聯置堂左朝夕觀
省案奉

巡撫部院王勸諭有司實心愛民以典吏治憲牌照得本
部院撫臨六郡要在察吏安民而賢有司惠養元元必須
愛人節用故守令謂之父母取其視民若子女也爲人父
母而虐其子女則喪心矣又謂之民牧取其牧民若牛羊
也受人牛羊而不求芻牧則曠職矣漢史傳循吏止曰奉

法循理事治民安使百姓安於田畝之中而無愁嘆之聲而已慨自上失其道表率弗端遂致下隳其官法紀不顧有司一捧檄卽志在身家爲守者便欲以一州受用爲令者便欲以一縣受用念頭既差無所不至其中豈無賢者

只是少耳必須啓發良心庶可責成職掌特書一扁曰民之父母又書一聯曰愛民若子治郡如家州曰治郡如家
邑曰治邑如家牌仰該道卽將發去扁聯大字轉行該府
發所屬州縣各刊置整齊扁懸於正堂聯掛於前楹接目
警心裨益不小本部院誓以身帥永肩始終所望該道至

振監司之實該府勿負師帥之名同心共濟則六郡可望

澄清萬民可保樂利矣查品級斌五堂編世及前詳詳日

遺政 遺政 遺政 遺政 遺政 遺政 遺政 遺政 遺政 遺政

鹽鍋納稅本末細目受外洋七宮海賦案檢日當海賦案

明萬曆十年鹽院批據本府申詳批開安平縣免派官鹽二

百二十引減去私鹽一萬四千斤改徵課銀一百五十兩

節年解赴長蘆運司上納永為定規至萬曆二十一年商

人王祿揚呈鹽院仍准照舊派賣商鹽鹽商復以官鹽至

縣深為民病知縣何璽具文通詳附錄於後直隸真定

府醫州安平縣爲思節之鹽以蘇民命事安平卅一十五
里產薄民窮其歲額編緡比照富饒大邑又地界真定河
間之衝頗極疲苦重以屢年滹河泛漲地產大半成淵民
多雖竄四方傭乞舊奉 憲令照依深州饒陽七州縣事
例聽民開煎納鹽鍋課銀一百五十兩流民稍稍還集煎
鹽活生公私實爲兩便自萬歷二十一年被商人王祿揭
呈本院仍令照舊派賣商鹽舊年七月內商人杜美道等
備奉憲單坐派官鹽一百引責縣俵散小民驗斤退價仍
禁竈戶灘鍋及私煎興販等因竊思情當宜依法貴便民

責民行鹽其不便有五聽民煎鹽其利有三本縣災疲之餘財力俱殫卽節年逋負丁糧尚艱輸納又以官法臨之責行商鹽使窮苦竒零之民按月給鹽不時比價無息肩作務之期一不便也本地鹽值甚輕每斤止三文可以禾麥相易商人鹽值甚重每斤六文悉要足色銀錢夫價輕則民售之易價重則民售之難又商鹽不真沙土攪半今欲令民去易就難捨真食假雖嚴刑日加勢不得行矣二不便也夫行鹽者當行之無鹽之地則通有無當行之價貴之方斯至騰湧彼商徒以本縣路遠便輸可省力費頗

以其鹽反行之產鹽之地與價賤之方以至壅塞不行疏
通無法三不便也且治理窮民者第一貴開財之源其次
除民之害今本縣撮土可煮爲鹽既嚴禁之塞民自然之
利又責行商鹽使之剜肉醫瘡賣兒鬻女貽無窮之害非
興除之宜矣四不便也自古日中交易當順民情未有強
抑其民使行鬻者今商人不顧民心之不願行不諱民力
之不能行又不度官法之必不可行舊鹽尚未行給百分
之一而又繼之新鹽二百引狼狽張皇先後交併民若之
何不死也五不便也又况商人明借官引暗帶私鹽隨其

裝載幾何盡欲給派散鹽之日官有押單叫號催比之徒
私有出店看錢扶秤之輩無一不藉商人之勢以爲蠶食
之資凡若此類則其不便於民當不止五矣及至限期少
違狼索不遂商人卽攝詞赴院呈告謂民不行也惟當罪
其官謂官不行也又嚴拿其吏以故令縣之司戶房者苦
於比校該吏先後俱逃至無以爲解則商鹽之爲害也匪
獨在民卽官亦不可知矣且聽民煎鹽亦未始不利民立
灘鍋則歲有一百五十兩課銀之入是其利在國民藉煎
鹽餘息以完丁糧則差賦不窘是其利在官民以鹽易米

隨意可獲足以贍饑窮餬口之資是其利又在民一舉而
三利隨之未必非足國裕民之萬一也今商鹽給縣已經
七八月屢令屢責百姓紛紛告呈一斤未鬻前月內喚集
各社大小人戶到縣面諭勸令分給彼時百姓在庭疾首
號呼愁慄萬狀叩頭瀝血所不忍言俱云本身錢糧尚不
能納復追鹽價何以聊生又云四隣州縣俱納課銀惟獨
安平不蒙恩例卑職面雖叱訶心實痛楚既不取少違憲
令又不忍重拂民情合為詳請伏乞俯賜矜察曲全民隱
下開灘鍋之禁使民得資生永豁長蘆之鹽則恩深之命

得照舊例歲納課銀庶國稅民生咸稱萬便矣具詳蒙

院批云該縣五議深切民隱仰井陘道覆議通詳定奪行
府轉申井陘道吳 看得該府所呈安平縣地土鹹鹵民
居稀少兼以滹沱河水患民不堪命乞照深州等七州縣
令民刮土煎鹽易米度日辦納錢糧每年徵納課銀一百
五十兩按季解司免派官鹽國計民生誠爲兩便永爲遵
守似宜俯從旣經該府覆議相應轉呈詳院蒙 撫院卅
安平縣疊遭滹沱河水患窮民賦稅不支本院心切隱之
而苦於計之無從也據議派賣商鹽民稱不便應如議照

舊煎鹽納稅免派引鹽以稍甦流離仰候 鹽院詳咨行
繳 續奉 鹽運司信牌為恩幣商鹽以蘇民命事蒙

鹽院批井徑道呈詳安平縣不便行鹽五議蒙批運司覆
議妥確詳奪蒙此續蒙院批司議緣由批據議引鹽浮額
一清而斟酌損益悉當如議刊刻書冊通行各屬遵守但
安平縣已議納課不必復派鹽引可也此繳蒙此詳議安
平額鹽加派通州等情呈詳本院蒙批如議行繳蒙此議
令行縣知會為此牌仰該縣照牌事理即照原議每年辦
納課銀一百五十兩自萬曆二十三年為始按季解司以

究解官鹽免派該縣小民止許自煎自食貿易於本土之內不許越境興販卽便擒拿從重治罪官吏縱容一併叅究不貸須至牌者

余以萬歷二十二年十二月二十三日到任首詢民瘼無甚於商鹽者日夜焦勞圖所以除之以爲不激切不足以動上不決烈不能以底成乃據五不便三利之說於二月二十四日親呈院道府鹽院大怒幾不能免余亦不自惜矣先後申稟幾數萬言無慮數十上置成敗禍福度外閱四月而始獲憲令恩詔詐非憲恩視福安平盛典哉然其

爲計亦甚苦矣所願後之君子力守令典毋爲市棍所侮
毋爲鹽商所撼堅持毋改以生此一方殘孽則諸君子之
仁惠當萬倍於此茲以斬戶部之命附刻志申用垂永久
孟秋七月知縣廣陵何銓識

以上舊志載在賦役卷中今遵定例賦役內錄梗概入
前朝事蹟而何公之苦心善政又豈忍湮沒不傳故詳
錄於此以
示不朽

明萬歷二十三年之役知縣何銓幾以此獲罪矣逮崇禎十
一年議增鹽引爲充餉計驛使者坐派安平五百引知縣
孔開俊備文申府轉申蒙本道李公允華看得商民原吾

一體利害須酌其適當併罄源竭之時固當爲軍國權其急亦當爲小民思其終今合士民疊訴之情則數塊瘠境原置之行鹽之外而不數而商不憂滯引國不憂虧課其來舊矣若拂一方土宜可以牟大利豈當日持籌者皆情不及此奪其土產槩行商引悖三百年之舊制絕億萬人之生機爲有心者所難忍言等因呈詳兩院蒙按院李公模會同撫院上疏畧云二百年來講求鹽政殆無遺策獨此八州縣不入行鹽之數審物宜而通民欲所見者大而所慮者長也今使在商人逐利之官爭小民私食之計曾

何當公帑毫末而頓令二州六縣數十萬口盡爲邸糧失業之人生理既窮何所不至云事下該部議覆轆使葛某疏爭之並以此罪道臺李公績因按院切爭疏上照引輸課垂爲定議免食商鹽矣

國朝順治二年大司農英國公我岱司計嚴禁各處小鹽通行官鹽知縣趙昭同士民大聲請命於督漕使者終以新法森嚴而不任其請縣遂食引鹽矣趙公以此切切於懷引爲已咎有愧於何公嗟乎賢父母之爲民請命有幸有不幸類若此云

買回撥地本末

國朝順治四年五年間奉文撥補河間被圈百姓地畝其詳難以悉載今據可考者畧載於後

河間縣印結

直隸河間府河間縣今於

與結狀爲嚴查撥補地土以便訂正全書事依奉結得本縣受補安平縣皇莊地六頃五十一畝四分七釐一毫

定州衛地二百九十頃八分九釐七毫八忽
神武衛地
四十六頃九十一畝八分二釐五毫
河間衛地二百四

十七頃五十三畝九釐八毫二絲二忽 馬厰地一十六
頃五十二畝六毫七絲 河間衛屯田軍地四頃九十六
畝一分三釐二毫中間不致冒結所結是實

順治十二年十二月

全 冊

日具

河間縣新訂全書內開載

安平縣更名地六頃五十一畝四分七釐一毫每畝徵加
銀二分八毫五絲一忽一微八纖四沙八塵三埃七渺
定州衛屯地二百九十頃八分九釐七毫八忽又康熙六

年查出欺隱地一十二頃九十九畝七分五釐共地三百三頃六分四釐七毫八忽每畝徵正加銀三分五釐八毫

神武衛屯地四十六頃九十一畝八分二釐五毫每畝徵正加銀一分九釐六毫一絲一微八纖四沙八塵三埃七渺

河間衛屯地共二百四十七頃五十三畝九釐八毫二絲二忽每畝徵正加銀八釐九毫六絲二忽七微六纖四沙九塵三埃七渺

馬廠地一十六頃五十二畝六毫七絲每畝徵正加銀三分四釐九絲一微八纖四沙八塵三埃七渺

河間衛屯田地四頃九十六畝一分三釐二毫每畝徵正加銀一分三毫五絲一忽一微八纖四沙八塵三埃七渺

康熙十五年奉 文查出張小存等隱漏撥補安平縣屯軍地一十頃七十八畝八分一釐六毫九絲每畝徵租銀一分五釐

順治四年間撥補更名卽皇莊定州衛神武衛河間衛屯

軍馬廠河間衛屯田以及查出欺隱屯衛地共六百三十六頃二十三畝九分九釐六毫九絲內於

康熙二十二年間退賣安民政歸糧額者共地五百八十

七頃六十二畝八分七釐二毫四絲其下剩未退地共

四十八頃六十一畝一分二釐四毫五絲

以上各條俱刊載河間縣

由單全

書內

查神武衛地不在安平縣糧額之內所有買回神武衛地
三十五頃四十六畝八分三釐五毫仍入真定衛額內

徵糧

實改歸安平縣額徵糧地五百五十二頃一十六畝三釐七毫四絲內實收

定州衛地二百八十四頃一十畝七分二釐九毫八忽每畝科徵銀三分五釐八毫

河間衛屯軍地二百三十頃七十畝五分二釐一毫七絲二忽照安平縣原則每畝徵銀八釐一毫一絲一忽五微八纖一塵

河間衛屯田地四頃九十六畝一分三釐二毫照安平縣原則每畝徵銀八釐一毫一絲一忽五微八纖一塵

河間衛隱漏徵租屯軍地一十頃七畝八釐六毫九絲每
畝徵銀一分五釐

馬廠牧地一十六頃三十四畝八釐六毫七絲照安平縣
原則每畝徵銀三分三釐二毫三絲九忽

皇莊地五頃九十七畝四分八釐一毫每畝徵銀二分八
毫五絲一忽一微八纖四沙八塵三埃七渺 以上共

徵銀一千二百九十兩一錢四分六釐七毫九絲八忽
四微九纖一沙六塵三埃八渺五漠七湖二廬

以上係
康熙二

十二年定册

徵糧實數

按撥補地畝一案兩邑士民因地租構訟三十年以來歲無虛日甚至傾家蕩產累斃身命者屢有其人康熙十八年間知縣胡宜惻然念之開誠布告俾令賣買息爭兩邑士民懽然聽命遂有賣地移糧之控詳 寶達

部買回原地改歸糧額閱數年而始得成功至康熙二十二年定冊徵糧此誠兩邑生民之厚幸也但猶有豪強梗法尚存地畝未盡賣歸禍根未除爭端猶在胡令丁艱解任之時心猶抱疚引爲已咎曰是余之德化未能盡孚也夫或曰人誥之下尚有頑民於侯之德政固

無歉也姑以俟後之君子

康熙二十四五等年河間縣武生楊源永因撥地租錢疊
訟牽累不下數十餘人詳覆結案亦非一次蒙

撫院于 批行河安兩縣會審於康熙二十五年七月間知

憲陳宗石會同河間縣知縣彭開祐酌定定州衛每畝
三分五釐零起科者定租錢七十文河間衛每畝八釐
九毫零起科者定租錢五十文申詳去後蒙

撫院于 批照糧額定租似爲允協准如議行繳業據河間
縣關明存案奉此鈞批堪垂永久矣

節錄條陳事宜

康熙二十五年春恭遇

撫憲于蒞任撫綏悉心民瘼檄行各縣諮訪利弊知縣陳宗石具文爲遵諭條陳懇祈釐革以廣

皇恩以蘓民困事竊惟安平僻小地瘠民窮饑寒逼迨易蹈非爲官斯土者拊循調劑之念誠不可一日稍懈也近因去歲水災閭閻困苦更非昔比幸荷

皇恩獨恤民命暫甦然惟正之供旣不可緩而額外之徵又不
能免一時交迫無米難炊官林於

功令民苦於催科賣絲糶穀剜肉醫瘡下情不能上達忍淚吞聲之苦真有不堪問者茲遇

憲天大老爺福星照臨諮訪利弊正小民更生之會屬員殫

職之時但

早職

才庸識闇未能周知土俗民情何敢侈言

興利請先言弊蓋一法卽有一弊在立法之初本期無弊以便民乃法久而弊生弊生而民害矣今亦不必盡革現行之法第卽法中之弊一釐正之俾無舛法無偏枯無波累積弊旣絕而民豈有不利者乎謹陳七款稍抒一得伏冀採擇俯賜裁酌於以廣

皇恩而藉民困惟賴

憲臺之主持矣

一緝盜務靖巨窩

一灰車大爲民困

一飛差支應維艱

一水道亟宜修濬

一撈餉宜照總額

一編審禁革陋規

一花絨狐皮宜解折色

以上各款詳議字句甚多未及全載

康熙二十五年四月

日申

本府正堂趙 批仰候

院 道各憲批示抄報繳

井陘道李

批仰候

撫憲核奪批示到日抄報繳

巡道胡

批仰候

院示行繳

守道朱

批仰候

撫院批示繳

巡撫都察院于批據詳條陳七款籌畫周詳殊堪採納除

灰車狐皮二項已經具

題現候部議其撥餉一款已檄行守道從

公酌派如有不公仰該縣覈詳 本院檢木

幫廂事關軍需捐賠雖屬苦累業已飭令按

糧均派目前作速辦解俟 本院下次酌奪

具

題至於修濬水道該縣分宜實力舉行餘俟給

示嚴加禁飭繳

修志詳文

安平縣知縣陳宗石具疏爲縣志年久未輯詳 憲允示

纂修以光邑乘以垂奕禩事竊惟

朝有史野有志所以紀事攷實其有關於政治者非淺鮮也自古列國皆有史如晉乘檮杌之類迨郡縣既分守令之官不得有史而志作焉此郡縣志之所由起而實則史之遺意也安平雖彈丸小邑置自漢朝由來已久從前之紀載詳畧纂輯年代姑不具論即以近代言之一修於嘉靖庚戌再修於萬厯己丑迄今幾及百年其間之事實典制官職人物率多遺缺未載自

熙朝定鼎丙戌之歲有邑令趙昭率同儒學訓導吳思和等有志修輯設局繕稿因疆宇初開法制未定而趙令又以他

事去遂未梓版所以每奉 憲取志書仍舊屏已丑所

之板帙也

早職思

皇清馭宇混一版圖四十餘載凡上之政刑賦役良法美制有
造於安邑民命者奚可不誌凡下之列名仕版勲猷懋著
與夫鄉黨自好能自植立節孝義烈有關於綱常名教者
又奚可不志况當

聖明在上百度維新通行直省採風問俗纂修一統志書其盛

典也若縣志則猶缺焉未備豈非守土者之羞乎

早職到

任之初即懷此念因值災祲心憂補救未遑集議倘及今

不舉恐日復一日天下事之因循坐誤未觀厥成者比比然也不揣謏劣擬於本月二十二日敦請邑紳靳閣然崔甲默武鞞貢士李樹碩庠生崔甲釗等設局公所分類纂輯寧核毋濫寧樸毋華務期必徵必信以成一邑信史昭示後來一切日用供膳紙劄筆墨以及梨板工匠等費俱係卑縣設法倡捐並不敢擅動絲毫正項俟捐修工竣之日另文冊報事關修舉邑乘擬合備文通詳伏候 憲臺批示遵行康熙二十五年八月二十日詳蒙

本府正堂趙 批纂修縣志昭示後來洵爲善舉切勿私派

羣民務必捐資從事仍候

院 道各憲詳行繳

井陘道李

批據詳捐資修刊邑志允屬盛舉仰該縣親

身董理採擇詳明稽考典確務期傳信毋

致浮濫該縣素稱博雅 本道深致念焉

仍候

撫院並

守兩道批示繳

直隸巡道胡

批纂修縣志誠屬要典該縣設法捐造益可

嘉尚仰卽如詳舉行仍候

撫院 守道批示繳

直隸守道朱 批如詳纂輯俟完日刊刷通報仍候

撫院批示行繳

巡撫都察院于 批纂修邑志原係守土者正務今該縣延

訪紳士毅然舉行殊可嘉尚如詳設局

分纂成書送閱其一切目用工費既係

倡捐毋得借端科擾致滋口實可也此

繳

新任 道 志 續詳附載

各批等因在案奉此該甲縣遵卽延請紳衿靳闇然等設局分纂博採文獻以成一邑信史現在場工剗刷木竣恭
遇

憲臺臨蒞百度維新相應抄案備詳伏候

憲臺批示以便刊垂永久庶下邑有光而千秋不朽矣

康熙二十六年四月 日詳蒙

本府正堂馬 批安平邑志久經未輯殊爲缺典今該縣身

任其事延請紳士博採文獻俾邑志永垂
不朽誠盛舉也深爲可嘉旣詳

院憲批允刊刻成書送閱繳

井陘道劉 批仰照

院憲

各道批示遵行繳

禱紀補遺

後周世宗時村漢徽補龍捷左第五軍都虞候移所部屯安平

縣破契丹於縣南見宋

後周廣順三年張暉沂州刺史改冀州詔築李晏口東鹿安平

博野百八橋武強等城暉護其役踰月而就見宋

安平縣志卷之十終

補遺

直隸 定府晉州安平縣爲請

旨事本月十一日蒙 本府憲票開蒙 守道憲票開蒙

巡撫都察院于 憲票准 禮部咨前事仰縣官吏遵照奉

旨事理即將 憲頒告示照式謄寫遍貼曉諭如有假借頒

詔妄行科派累民訪實揭報 題參仍將遵行緣由報 府轉

報勿違等因到縣蒙此該安平縣知縣陳宗石查得飭禁頒

詔雜派積弊仰見

朝廷愛養黎民至意真正無隱不燭無微不悉者也卑職疊遇

詔書頒行每有費用俱係捐俸並未敢派之民間此安邑士民

所共見其聞現在可訪者倘邑令不捐則此項費用勢必出

之科派也明甚今欲禁其派必先塞其派之源俾州縣至吏

不敢派且亦不必派方可通行無弊歷久而不變耳請以往

例之積弊言之凡遇

詔到保府開讀之後刊刷謄黃卽分委教職並雜員賫發各府

開讀本府開讀之後又分委教職雜員並禮生人等賫發各

州縣其中每有不肖劣員無耻子矜鑽委以圖射利所以

詔書謄黃未到府州縣之先一奉差委卽飛傳該州縣撥馬撥夫沿途迎候踰時累日守候甚艱及到府州縣地方卽有下程供應厨役伺候三日五日不等臨行必有餽贐每視厚薄以形喜怒甚至典舖鹽店俱持刺往拜索其常例甚有不肖者接見時卽袖出薦函一封輒云求作養栽培竟以詔書爲謀利之圖良可悼也所以各府有各府之費用州縣有州縣之費用果肯解囊而捐俸者能有幾人此派之源也其源不寒流將安止卑職不揣竊有議焉請 憲定一規凡遇詔到保府開讀之後刊刷謄黃卽飛傳各府教授赴保領資各府之謄黃俟到本府卽飛傳各州縣教官赴本府領資該州縣之謄黃是以本地方之官員資本地方之詔書勞亦難辭理應趨赴則鑽營射利之風可息供應程贐以及索取鹽典等弊俱可杜矣在各州縣不惟不敢派且亦可不必派是或除弊更新之一法也可否允行伏候 憲奪

憲奪

康熙二十七年十一月

十八

日詳蒙

本府正堂馬

批仰候

各憲示行繳

井陘道劉詔既可絕鑽營射利之風更可杜供應禱派之弊此議甚善仰

批據詳以本地地方之官賞本地方之風更可杜供應禱派之弊此議甚善仰

候

撫院批示報繳

直隸巡道程

批仰候

撫院並 將兩道批示行繳

直隸守道重

批已奉

院允詳通行矣此繳

巡撫都察院于

批據詳具見畱心除弊仰候檄行
守道通行飭知繳

儒學交盤詳文

直隸真定府晉州安平縣知縣陳宗石爲請嚴學宮職守酌

立教官交盤懇 憲批示勒石以垂永久以隆文教事竊惟

熙朝崇尚斯文振興學校制必求其盡善法貴準於不弊故於

學宮則有捐修議叙之例於教職則有既裁復設之員是學

宮之不可忽視而教職之各有所司也明甚第官斯土者未

必皆肯以實心行實事故學宮多廢壞而不知修舉或塗飾

一時而不能經久者比比然也卑職忝司一邑倏忽七年雖

國計民生毫無裨益愆積多端負慚寔甚然於職掌所關竊自
凜冰矢操宵旰圖維未敢稍隕越焉如安邑學宮頽圯已極
且職目擊不堪勉力捐修業於請廣學宮捐修之令等事案
內報修過

聖殿堂廡祠亭泮橋門墻等項費共一千三百餘金工閱兩載
始竣又捐建講學亭一座於尊經閣後又捐造明倫堂左右
讀書處各六楹又栽植栢槐桃李杏柳等樹共二百四十株
荷蒙 勅兩院垂電修學工成賜書聯扁懸於講學亭中則
今日之學宮大非昔日之榛蕪矣但卑職在任一日自當督
率該學朝夕看管以時修葺不致損壞誠恐後日同心難遇
保無有傳舍視之而聽其傾圮者乎卑職不揣竊有議焉自
今以後著有成規凡遇學宮損壞修理之費用縣令無容推
諉典守之責成教官理當身任每年除額編修理

文廟經費外或有興作工料不敷設法補苴是在縣令凡在宮
墻以內或有應修應建處所教官即時牒縣庀料興工刻期
完固倘應行修葺而匿不以聞是教官因循之過也若牒請
修學而膜外視之是縣令惰窳之咎也彼此維繫互相關切

將見修之者不患看守之無人守之者益喜修建之有主經久之策端無有踰於此者至於典守之責更爲教官畫界分疆而理之自櫺星門以內凡界於左邊一帶者責之教諭界於右邊一帶者責之訓導一切殿亭門廡祠宇堦墀牆垣樹木等項俱分左右管轄遇有損失卽議修補從前教職陞遷離任並無交盤冊結請自今日爲始早職公同學官將現在尊經閣所貯書籍逐一查明某書某集係原貯之件某書某文係早職捐買存貯之件其殿亭祠廡內門窗櫺扇及祭棹簾椅器具并圍牆樹木俱逐項列開脩造清冊一樣照造八本一申各憲存案一存縣庫脩查一發儒學收執嗣後教官離任務照冊開各件盤交新任收管如該員分轄界內或有破壞未及修營并遺失書籍器具等件俱立時責令賠補償還仍照州縣交盤之例該學出具並無未完冊結牒縣加粘印結分送上憲存查如此立法垂之永久庶責有攸歸而事無曠悞矣早職慮在一邑故敢以一邑之事言之實非擅創規例以督寒毳况

朝廷設官分職各有崇司在學宮顧名思義當亦有瞻視黌宮而無庸諉責者也早職再有請者修學費用恒苦設法無從

遂致藉口卸責卑職面與闔邑紳衿公議即以今年庚午科
 為始凡有中武文科者助銀五兩中武文科者助銀二兩中
 文進士者助銀十兩中武進士者助銀五兩永著為例助銀
 修學其所助之銀或置產收租備用或當時買料支銷是在
 臨時酌之理合一併詳明伏候 憲批勒石學宮以便昭垂
 久遠可否先行悉候 憲臺批示下縣繕造清冊并牒學取
 具遵依另文申送存案施行事關學校卑縣未敢擅便
 右 申

本府正堂馬 批據詳具見區畫良規深可嘉尚不特安邑
 勒石用垂永久即各屬亦宜効法仰即如
 議行仍候 各憲批示遵行併將憲示錄
 報以便通飭繳

護理井陘道馬

批仰候

批仰候

兩道批示行繳

直隸巡道金

批仰候

兩院暨 守道批示行繳

直隸守道任

批既經通詳仰候

兩院並 巡道批示行繳

提督學院李

批據詳逐項造冊左右分任及酌守公議捐
助修葺俱可爲經久之圖准如詳勒石仍

候

撫院批行繳

巡撫都察院于

學院批行繳
批知詳行仍候

康熙三十九年冬恭遇

撫憲郭 蒞任畿南檄行一件爲諮訪利弊以備採擇事備

行 道府等因到縣知縣陳宗石查照

卑職

備員八載莫

展寸長質愧樗庸才慚襪線南平赤子敢云撫守心勞過
吏簿書惟有恪循職守謬蒙 陞任撫院于 竹頭木屑
均藉陶鎔片善微能亦加獎拔茲遇

憲天福星相繼百度維新化雨覃敷萬民色起乃痾瘵在念
爰思集衆之謀饑溺殷懷廣下諮諏之令捧讀

憲檄仰觀 仁心

卑職

理應在安育安但恐言皆陳蹟法費

就事論事何妨論舉尋常他如修城築墻固保障所必及
弭盜禁賭亦告誡所必嚴勸農桑嚴保甲崇學校賑饑荒
免雜差革里長凡事俱當盡善何者非民命之攸關業已
次第舉行要皆爲邑令之分內不敢縷述上竝

憲聰茲卽鹽政而敬抒一得并及編審而未議五條雖管窺
蠡測未必有補於時務而蛩吟蚓唱聊以自吐其胸懷仰
冀 憲慈俯垂鑒照倘蒙採擇伏候批行

一議平鹽價

鹽政攸關

國計民生利弊未易言也有司之考成在疏銷官引引之疏
否在私販之甚與不甚然禁緝已嚴而私鹽猶有未絕者
其故又在鹽價之有未平人情計利算悉錙銖官鹽價貴
私鹽價賤此邑價昂彼縣價賤此私鹽所以易售而貪食
越境之賤鹽其弊奚窮鹽價不平雖私禁日嚴而無如民
情之趨賤如鶩則有司之銷引亦綦苦矣切查鹽價前蒙
陞任院憲于 咨會 前鹽院檄行 前鹽法道 再四
確查據道里之遠近腳價之多寡議有定價通行飭知在
案似可無煩擬議矣然前此定價之時原議較准鹽秤畫

一遵行迄今秤未較頒而各州縣之所用升斗不同價有
低昂者蓋商有良頑不等嗜利者多而好義者少不顧有
平價之舉以妨其罔利之術更有奸商恃其錢神輿援不
惟奴隸州縣抑且蔑視

功令輕秤小升攬沙和土強壓小民冤苦莫訴百貨轉徙俱有
時價貴賤隨民之使獨至引鹽分疆而售賣無別家買難
越境價憑商主民不敢爭所以從前雖奉有平價之

憲行而鹽價仍有未平也直屬八府州縣卑職未能悉數請

以保屬之深澤縣與真屬之安平縣兩縣鹽價言之深澤

鹽升與安平相等每升現賣錢貳拾文安平鹽價每升現
賣錢貳拾捌文縣分真保兩屬地實接界錯壤道里相較
深澤稍遠陸拾里脚價多亦無幾似此跬步咫尺之間鹽
價貴賤懸殊欲求鄉愚之不越境買食也得乎早職 縱曰

施鞭撻豈能比戶而曉更僕而查乎節經早職 拿獲越境

鹽犯申報 鹽道在案又有深澤鹽商張瑣控告安平縣

百姓賒欠鹽價至陸柒千斤於鹽道案下批廳行縣曾經

早職 審明按律各擬詳覆在卷似此商民均累皆由鹽價

不平之故合無詳請 憲裁或增深澤之鹽價或減安平

之鹽價俾得均平以杜越境買食之弊則安民幸甚 卑職
幸甚倘蒙 鑒擇通行查酌平鹽價以杜食私則引疏課
裕是亦商民兩便之法也伏候

憲奪

一防禦鹽賊

大夥鹽梟什伯成群或東來而西去或南來而北往出沒
靡常器械鮮明驢馱雜運所過州縣村庄如入無人之境
搶奪淫掠無所不至鄉民側目莫敢誰何甚至有款語求
和聽其賣一二集而去者更有納賄行成講定終年當例

不入其境者似此委靡作何底止恐此風不戢其禍將有不止於官引之不行已也鹽梟播毒白晝橫行倏去倏來已非一日日今

功令森嚴私鹽失察例有處分倘有發覺沿途經過州縣俱雇重譴所以數十年來間有鹽徒入境州縣不敢申報卽州縣具報而上憲不卽以入告者誠不忍以沿途經過數十州縣之功名而盡償於一朝也前歲十二月間

陞任院憲于風聞甚熾曾差左右兩營帶領標兵勦捕由博野安平深州饒陽河間等處回汛蓋若輩雖稱亡命亦

未常不畏官兵之追捕也奈各州縣素無防禦之具衙役
寥寥半多鳩鵠鄉兵烏合素未訓習卽有汛兵亦屬無幾
豈無勤敏州縣聞有鹽徒亦傳令勦捕無如皂快鄉勇諸
人率皆徒手不教之衆張空拳以冒白刃豈能與鹽梟匪
類慣習烏鎗之輩對壘而爭勝乎所以聞報往捕彼則逍
遙而去兵役望之猶生畏懼一縣如此縣縣如此一起如
此起起如此所以若輩藐無忌憚公然結黨如蟻如蜂勢
若燎原自來自去毫無攔阻也早職 疎才淺識懸揣其敢
於販私結隊擁衆而旋轉者其故有三一在產鹽場竈賣

私之禁未嚴也一在山東北直界口關入之盤查未密也
一在隣近州縣未曾操練追捕未齊也至防禦追捕必需
勁卒利器尤不可不亟講也

卑職

請卽以安平言之汛兵

止有陸人馬貳步肆又常不在汛或護解迤人餉鞘或飛

遞緊急公文此汛兵必不可恃

卑職

請於經制各役中挑

選年力精壯者拾數人再於鄉勇中亦挑選數拾人

卑職

親身督率練習兵仗火器以備防禦追捕之用仍明立賞

罰條格有能於境內對仗殺獲鹽梟一人者賞銀五兩有

能追出境外殺獲鹽梟一人者倍賞有能追趕鹽梟出境

不使逗留騷擾本地村庄者各與花紅獎賞如有遇敵而畏怯不前者分別懲治若使各府州縣俱練習有備追捕有方則鹽賊何難撲滅乎倘有慮兵仗火器以及犒賞等費無從措辦者爲查鹽商銷引州縣印官俱有歲時交際陋例此亦天下通行之積習請以此項移作練習兵勇之費雖私亦公諒官商百姓當無有不樂從者合無仰請憲臺飭禁產鹽地方重究賣私之弊以絕其源其由產鹽場竈馱運而來必有闖入之捷徑從此把捷以塞其來路再凡經過州縣務必協力應援毋分彼此疆界窮追竭往以

扼其去處如此立法雖有神奸心不能從空而降掃趨而
飛矣再頒一令自今以後遇有巨夥鹽賊或自東省越界
而來或自津衛滄州而來一入其界該管州縣印官及防
守汛官卽刻飛騎傳報前途隣近州縣在在飛傳東西南
北頃刻咸知齊心協力督率平昔練習鄉勇兵快各役會
同協捕四面夾攻俾鹽賊如遊釜之魚入羅之雀無所逃
避處處有備縣縣擒拿而猶曰鹽賊飛渡有是理乎倘闌
入其境而不飛報前途其咎在不報之州縣如已報聞而
有坐視不出其咎在不協力會擒之州縣倘各州縣於鹽

臬入境之日果能協力追捕或生擒或陣斃有勞績實據者事後申報緝賊之責槩與寬免則州縣自當奮力追捕而無所顧慮諱飾匿報之弊永絕矣然城池之守禦印官固有脩責而道路之勦捕汎官尤當効力所當請

憲一併通飭者也倘蒙

憲臺採納芻蕘

甲職

卽當親身督

率庶幾有備無患

甲職

從防禦臬起見故敢不避忌

直抒已見未知有當否伏候

憲查

一釐剔編審

一訪拿盜窩

一稽查養馬

以上三款
語不備錄

詳蒙

本府正堂加二級馬

批據詳五則俱有裨益殊見留心
庶務可嘉仰候
各憲批示遵行繳

護井陘道本府正堂加二級馬

批仰候
撫院 兩道批示報繳

管理直隸刑名驛傳巡道金

批仰候
撫院暨 守道批示繳

管理直隸錢穀守道任

批現平仰候會覆批示另檄知照繳
撫院 守道確議

直隸巡撫都察院郭

憲牌前事內開據陳各款原本經濟
非同紙上浮言仰守道會同巡
鹽二道確議速報核奪其鹽政
二條仍候咨商 鹽院等因行

知在案

清理長蘆鹽法道李

批仰候

鹽兩院批示繳

批已准

巡按長蘆等處鹽政監察御史顧

撫院移會撥行運司會同守巡兩道

查議矣此繳

重修安平縣志跋

縣之有志所以述既往垂將來也與史同歸而殊途山川戶口土田人物以及古蹟勝景可法可傳者靡不畢載志之爲益豈淺鮮哉余邑舊志終於明萬曆間迄今百有餘年典章散佚世家零落流風餘韻能言者蓋罕余自請沐歸里閒披闕邑乘見百年文獻若存若亾不禁悚然曰是可懼也夫未幾陳明府

以江左世族來宰余邑百度維新之餘爰取
邑志而訂修之博搜逸書延訪父老凡有關
風教者罔不條貫臚列五閱月而事竣共爲

十卷剞劂告成問跋於余余又不禁欣然曰
是可慰也夫蓋侯以學道治也侯之治是邑
良法美政幾與史冊所載龔黃古循良并駕
齊驅卽邑志一編於星野而知侯之敬天於
營建而知侯之保障於賦役而知侯之勤民

於前代之賢宰名卿而知侯之紹往烈於古
蹟勝景而知侯之洽物情俾邑人觀於斯者
群有所觀感而興起潛移默導而相化於不
自覺流風餘韻相望於今古而不絕是則侯
之志也雖謂侯之治卽備一志中可也且侯
之祖 中湛少保公負名東林重望諫艸之
功直同金箸千古不磨侯之兄 其年太史
公才擅三長 召入木天有明一代鉅典咸

潤色美備侯之斯編可謂祖孫接武兄弟二
難矣况今

聖天子纂輯一統志 勅廷臣修舉廢墜侯之
治績彪炳固足動

當宁聽聞是志之愷確詳明行將與 國史并
壽天壤也余養痾閉關不干戶外事斯舉也
雖未獲執簡含毫然得錄姓氏於後附驥尾
以昭不朽抑又余之幸也夫

賜進士出身奉政大夫翰林院侍讀學士加一
級邑人吳本植題